


元史



元史卷三十六

南京國子監祭酒胡尚英

司業王錫袞 補刊

耶律留哥

耶律留哥契丹人仕金為北邊千戶太祖起兵朔方
金人疑逃遺民有他志下令遼民一戶以二女真戶
夾居防之留哥不自安歲壬申遁至隆安韓州糾壯
士剽掠其地州發卒追捕留哥皆擊走之因與耶的
合勢募兵數月眾至十餘萬推留哥為都元帥耶的
副之營帳百里威震遼東太祖命按陳那衍渾都古

行軍至遼遇之問所從來留哥對曰我契丹軍也往
附大國道阻馬疲故逗遛於此按陳曰我奉旨討女
真適與爾會庸非天乎然爾欲效順何以爲信留哥
乃率所部會按陳于金山刑白馬白牛登高北望折
矢以盟按陳曰吾還奏當以征遼之責屬爾金人遣
胡沙帥軍六十萬號百萬來攻留哥聲言有得留哥
骨一兩者賞金一兩肉一兩者賞銀亦如之仍世襲
千戶留哥度不能敵亟馳表聞帝命按陳孛都歡阿
魯都罕引千騎會留哥與金兵對陳于廸吉腦兒留
哥以姪安奴爲先鋒橫衝胡沙軍大敗之以所俘輜

重獻帝召按陳還而以可特哥副留哥屯其地衆以
遼東未定癸酉三月推留哥爲王立妻姚里氏爲妃
以其屬耶厮不爲郡王坡沙僧家奴耶的李家奴等
爲丞相元帥尚書統古與著撥行元帥府事國號遼
甲戌金遣使青狗誘以重祿使降不從青狗度其勢
不可反臣之金主怒復遣宣撫萬奴領軍四十餘萬
攻之留哥逆戰于歸仁縣北河上金兵大潰萬奴收
散卒奔東京安東同知阿憐懼遣使求附於是盡有
遼東州郡遂都減平號爲中京金左副元帥移刺都
以兵十萬攻留哥拒戰敗之乙亥留哥破東京可特

哥娶萬奴之妻李僊娥留哥不直之有隙既而耶廝不等勸留哥稱帝留哥曰向者吾與按陳那衍盟願附大蒙古國削平疆宇倘食其言而自爲東帝是逆天也逆天者必有大咎衆請愈力不獲已稱疾不出潛與其子薛閣奉金幣九十車金銀牌五百至按坦孛都罕入覲帝曰漢人先納款者先引見太傅阿海奏曰劉伯林納款最先帝曰伯林雖先然迫於重圍而來未若留哥仗義效順也其先留哥既見帝大悅謂左右曰凡留哥所獻白之於天乃可受遂以白氊陳於前七日而後納諸庫因問舊何官對曰遼王帝

命賜金虎符仍遼王又問戶籍幾何對曰六十餘萬帝曰可發三千人爲質朕遣蒙古三百人往取之汝亦遣人偕往留哥遣大夫乞奴安撫禿哥與俱且命詰可特哥曰爾妻萬奴之妻悖法尤甚其拘繫以來可特哥懼與耶廝不等給其衆曰留哥已死遂以其衆叛殺所遣三百人惟三人逃歸事聞帝諭留哥曰爾母以失衆爲憂朕倍此數封汝無吝也草青馬肥資爾甲兵往取家孥丙子乞奴金山青狗統古與等推耶廝不僭帝號於澄州國號遼改元天威以留哥兄獨刺爲平章置百官方閱月其元帥青狗叛歸于

金耶廝不爲其下所殺推其丞相乞奴監國與其行
元帥鴉兒分兵民爲左右翼屯開保州關金蓋州守
將衆家奴引兵攻敗之留哥引蒙古軍數千適至得
兄獨刺并妻姚里氏戶二千鴉兒引敗軍東走留哥
追擊之還度遼河招撫懿州廣寧徙居臨潢府乞奴
走高麗爲金山所殺金山又自稱國王改元天德統
古與復殺金山而自立喊舍又殺之亦自立戊寅留
哥引蒙古契丹軍及東夏國元帥胡士兵十萬圍喊
舍高麗助兵四十萬克之喊舍自經死徙其民於西
樓自乙亥歲留哥北覲遼東反覆耶廝不僭號七十

餘日金山二年統古與滅合亦然二年 巳卯春留

哥復定之庚辰留哥卒年五十六妻姚里氏入奏會
帝征西域皇太弟承制以姚里氏佩虎符權領其衆
者七年丙戌帝還姚里氏携次子善哥鐵哥永安及
從子塔塔兒孫收國奴見帝于河西阿里湫城帝曰
健鷹飛不到之池爾婦人乃能來耶賜之酒慰勞甚
至姚里氏奏曰留哥旣卒官民之主其長子薛闡扈
從有年願以次子善哥代之使歸襲爵帝曰薛闡舍
爲蒙古人矣其從朕之征西域也回回圍太子於合
迷城薛闡引千軍救出之身中槩又於蒲華搏思于

城與回回格戰傷於流矢以是積功爲拔都魯不可
遣當今善哥襲其父爵姚里氏拜且泣曰薛閣者留
哥前妻所出嫡子也宜立善哥者婢子所出若立之
是私已而蔑天倫婢子竊以爲不可帝嘆其賢給驛
騎四十從征河西賜河西存人九口馬九匹白金九
錠幣器皆以九計遂以薛閣襲爵而留善哥塔塔兒
收國奴於朝惟遣其季子未安從姚里氏東歸丁亥
帝召薛閣謂曰昔女真猖獗爾父起兵自遼東會朕
師又能割愛以爾事朕其志貞懋可尚繼而奸人耶
斯不等叛人民離散欲食爾父子之肉者今豈無人

乎朕以兄弟視爾父則爾猶吾子爾父亡矣爾其與
吾弟孛魯古台並轄軍馬爲第三千戶薛閣受命己
丑從太宗南征有功賜馬四百牛六百羊二百庚寅
帝命與撒兒台東征收其父遺民移鎮廣寧府行廣
寧路都元帥府事自庚寅至丁酉連征高麗東夏萬
奴國復戶六千有奇戊戌薛閣卒年四十六子收國
奴襲爵行廣寧府路總管軍民萬戶府事易名石刺
征高麗有功辛亥睿宗以石刺爲國宣力者三代命
益金更造所佩虎符賜之佐諸王也苦及扎刺台控
制高麗己未卒年四十五長子古乃嗣中統元年征

河西三年征李璫破嶧山以功皆受賞至元六年朝廷併廣寧于東京去職是歲卒年三十六子忒哥薛闍弟善哥賜名蒙古反命從親王口溫不花已丑從攻破天城堡鳳翔府以功襲充拔都魯壬辰引兵三千渡河會大軍平金後伐宋拔光州棗陽由千戶遷廣寧尹至元元年卒年五十二子天祐襲廣寧千戶改廣寧縣尹

劉伯林

劉伯林濟南人好任俠善騎射金末爲威寧防城千戶壬申歲太祖圍威寧伯林知不能敵乃縋城詣軍

門請降太祖許之遣禿魯花等與偕入城遂以城降帝問伯林在金國爲何官對曰都提控卽以元職授之命選士卒爲一軍與太傅耶律禿懷同征討招降山後諸州太祖北還留伯林屯天成遇金兵前後數十戰進攻西京錄功賜金虎符以本職充西京畱守兼兵馬副元帥癸酉從征山東攻梁門遂城下之乙亥同國王木華黎攻破燕京丁丑復從大軍攻下山東諸州木華黎上其功賜名馬二十匹錦衣一襲戊寅同攻下太原平陽己卯破潞絳及火山聞喜諸州縣時論欲徙聞喜民實天成伯林以北地喪亂人艱

於食力爭而止之部曲所獲俘虜萬計悉縱之在威寧十餘年務農積穀與民休息隣境凋瘵而威寧獨爲樂土嘗曰吾聞活千人者後必封吾之所活何啻萬餘人子孫必有興者乎辛巳以疾卒年七十二累贈太師封秦國公諡忠順子黑馬

黑馬名嶷字孟方始生時家有白馬產黑駒故以爲小字後遂以小字行驍勇有志畧年幾弱冠隨父征伐大小數百戰出入行陣畧無懼色嘗獨行遇金兵圍本部十三人卽奮劍入圍手殺金兵數人十三人皆得脫歲壬午襲父職爲萬戶佩虎符兼都元帥癸

未從國王木華黎攻鳳翔不克回屯絳州又從中興王攻西夏唐兀甲申從按真那延攻破東平大名乙酉金降將武僊據真定以叛從孛羅討之破真定武僊遁去金將忽察虎以兵四十萬復取山後諸州黑馬逆戰隘胡嶺大破之斬忽察虎歲己丑太宗卽位始立三萬戶以黑馬爲首重喜史天澤次之授金虎符充管把平陽宣德等路管軍萬戶仍僉太傅府事總管漢軍從征回回河西諸國及破鳳翔西河沔州諸城堡庚寅睿宗入自大散關假道於宋以伐金命黑馬先由興元金房東下至三峯山遇金大將合達與

戰大破之虜合達斬首數萬級乘勝攻破香山寨及
鈞州賜西錦良馬貂鼠衣以旌其功會增立七萬戶
仍以黑馬爲首重喜史天澤嚴實等次之癸巳從破
南京賜綉衣玉帶甲午從破蔡州滅金乙未同都元
帥荅海紺卜征西川辛丑改授都總管萬戶統西京
河東陝西諸軍萬戶夾谷忙古友田雄等並聽節制
入覲帝慰勞之賜銀鼠皮三百爲直孫衣尋命巡撫
天下察民利病應州郭志全反脅從誣誤者五百餘
人有司議盡戮之黑馬止誅其爲首者數人餘悉從
輕典癸丑從憲宗至六盤山商州與宋接境數爲所

侵命黑馬守之宋人歛兵不敢犯丁巳入覲請立成
都以圖全蜀帝從之成都旣立就命管領新舊軍民
小大諸務賜號也可禿立中統元年廉希憲商挺宣
撫川陝時密力火者握重兵居成都希憲與挺慮其
爲變以黑馬有膽智使乘驛矯詔竟誅之其子訴于
朝世祖諭之曰茲朕命也其勿復言二年命兼成都
路軍民經畧使瀘州被圍黑馬已屬疾猶親督轉輸
不輟左右諫其少休黑馬曰國事方急以此死無憾
遂卒年六十二累贈太傅封秦國公諡忠惠子十二
人元振元禮顯

元振字仲舉黑馬長子也隨父入蜀立成都會商鄧
間有警命黑馬往鎮商鄧以元振攝萬戶時年方二
十既蒞事號令嚴明賞罰不妄麾下宿將皆敬服之
憲宗伐宋駐驛釣魚山以元振與紐鄰爲先鋒中統
元年世祖卽位廉希憲商挺奏以爲成都經畧使總
管萬戶宋瀘州守將劉整密送欵求降黑馬遣元振
往受之諸將皆曰劉整無故而降不可信也元振曰
宋權臣當國賞罰無章有功者往往以計除之是以
將士離心且整本非南人而居瀘南重地事勢與李
全何異整此舉無可疑者遂行黑馬戒之曰劉整家

之名將瀘乃蜀之衝要今整遽以瀘降情僞不可知
汝無爲一身慮事成則爲國家之利不成則當效死
乃其分也元振至瀘整開門出迎元振弃衆而先下
焉與整相見示以不疑明日請入城元振釋戎服從
數騎與整聯轡而入飲燕至醉整心服焉獻金六千
兩男女五百人元振以金分賜將士而歸還其男女
宋瀘州主帥俞興率兵圍瀘州晝夜急攻自正月至
五月城幾陷左右勸元振曰事勢如此宜思變通整
本非吾人與俱死無益也元振曰人以誠歸我旣受
其降豈可以急而乘之且瀘之得失關國家利害吾

有死而已食將盡殺所乘馬犒將士募善游者賫蠟書至成都求援又權造金銀牌分賞有功未幾援兵至元振與整出城合擊與兵大敗之斬其都統一人與退走捷聞且自陳擅造金銀牌罪帝嘉其通於權變賜錦衣一襲白金五百兩入朝又賜黃金五十兩弓矢鞍轡黑馬卒元振居喪起授成都軍民經畧使至元七年時議以勲舊之家事權太重宜稍裁抑遂降爲成都副萬戶十一年命兼潼川路副招討使十二年卒年五十一子緯數從父行軍元振卒緯襲職佩虎符爲萬戶守潼川創立遂寧諸處山寨從圍釣

魚山數戰有功攻合州授潼川路副招討遷副都元帥復授管軍萬戶遷同知四川西道宣慰司事入朝進四川西道宣慰使拜陝西行省參知政事卒

元禮黑馬第五子也性渾厚有謀常從父在軍中歲甲寅授金符爲京兆路奧魯萬戶中統四年遷興元成都等路兵馬左副元帥至元元年遷潼川路漢軍都元帥二年九月宋制置夏貴率軍五萬犯潼川元禮所領纔數千衆寡不敵諸將登城望貴軍有懼色元禮曰料敵制勝在智不在力乃出戰屢破之復大戰蓬溪自寅至未勝負不決激厲將士曰此去城百

元史列傳卷三十六
里爲敵所乘則城不可得入潼川非國家有矣丈夫當以死戰取功名時不可失也卽持長刀大呼突入陣所向披靡將士咸奮無一不當百大敗貴兵斬首萬餘級生擒千餘人捷奏賜錦衣二襲白金三錠名馬一匹金鞍轡弓矢召入朝命復還潼川立蓬溪寨元禮又奏嘉定去成都三百六十里其間舊有眉州城可修復之屯兵以扼嘉定往來之路世祖從之四年命平章趙寶臣往視可否或以爲眉州荒廢已久立之無關利害徒費財力元禮力爭之寶臣是其言遂興役七日而畢宋人駭其速元禮鎮守眉州五年

召入朝乞解官養母從之九年起授懷遠大將軍延安路總管卒

郭寶玉

郭寶玉字玉臣華州鄭縣人唐中書令子儀之裔也通天文兵法善騎射金末封汾陽郡公兼猛安引軍屯定州歲庚午童謡曰搖搖苦至河南南拜闕氏旣而太白經天寶玉嘆曰北軍南汴梁卽降天改姓矣金人以獨吉思忠僕散揆行中書省領兵築烏沙堡會太師木華黎軍忽至敗其兵三十餘萬思忠等走寶玉舉軍降木華黎引見太祖問取中原之策寶玉

對曰中原勢大不可忽也西南諸蕃勇悍可用宜先
取之藉以圖金必得志焉又言建國之初宜頒新令
帝從之於是頒條畫五章如出軍不得妄殺刑獄惟
重罪處死其餘雜犯量情笞決軍戶蒙古色目人每
丁起一軍漢人有田四頃人三丁者僉一軍年十五
以上成丁六十破老站戶與軍戶同民匠限地一頃
僧道無益於國有損於民者悉行禁止之類皆寶玉
所陳也帝將伐西蕃患其城多依山險問寶玉攻取
之策對曰使其城在天上則不可取如不在天上至
則取矣帝壯之授抄馬都鎮撫癸酉從木華黎取永

清破高州降北京龍山復帥抄馬從錦州出燕南破
太原平陽諸州縣甲戌從帝討契丹遺族歷古徐鬼
國訛夷朶等城破其兵三十餘萬寶玉胸中流矢帝
命剖牛腹置其中少頃乃蘇尋復戰收別失八里別
失蘭等城次忽章河西人列兩陣迎拒戰方酣寶玉
望其衆疾呼曰西陣走矣其兵果走追殺幾盡進兵
下搆思干城次暗木河敵築十餘壘陳船河中俄風
濤暴起寶玉令發火箭射其船一時延燒乘勝直前
破護岸兵五萬斬大將佐里遂屠諸壘收馬甲四城
辛巳可弗義國唯筭端罕破乃滿國引兵據搆思干

聞帝將至棄城南走入鐵門屯大雪山寶玉追之遂
奔印度帝駐大雪山前時谷中雪深二丈寶玉請封
山川神壬午三月封崑崙山爲玄極王大鹽池爲惠
濟王從柘栢速不台二先鋒收契丹渤海等諸國有
功累遷斷事官卒于賀蘭山子德海德山德山以萬
戶破陝州攻潼關卒

德海字大洋資貌奇偉亦通天文兵法金末爲謀克
擊宋將彭義斌於山東敗之知父寶玉北降遁入太
行山大軍至乃出降爲抄馬彈壓從先鋒柘栢西征
渡乞則里八海攻鐵山衣幟與敵軍不相辨乃焚蒿

北萬里進軍次荅里國悉平之乙酉還至崑山吐蕃
帥尼倫回紇帥何必丁反復破斬之戊子春從元帥
闌闌出泚騎入關中金人閉關拒守德海引驍騎五
百斬闌入殺守者三百人直搗凌風渡塞後兵不至
引還己丑秋破南山八十三寨陝西平德海導大將
魁欲那拔都假道漢中歷荆襄而東與金將武僊軍
十萬遇於白河德海提孤軍轉戰僊敗走斬首二萬
餘級復破金移刺粘哥軍于鄧冬十一月至鈞州李
卯春正月魯宗軍由洛陽來會于三峯山金人潰

立軍國之睿宗令軍中祈雪又燒羊脚營不得言
夜大雪深三尺溝中軍僵立刀槩凍不能舉我軍高
圍而出金人死者三十餘萬其帥完顏哈達移刺嵩
元定匿浮圖上德海命掘浮圖墓出其拉而焚之完
顏斜烈單騎遁洛陽又破金將合喜兵於中牟完
顏斜烈復帥軍十萬來拒戰于鄭先登破之殺其都
尉左崇以功遷右監軍壬辰正月破金師於黃龍岡
樊邑取中唐二州甲午河南復叛德海往討之砲傷
其足以疾歸卒先是太宗詔大臣忽都虎等試天下
僧尼道士選精通經文者千人有能工藝者則命

通事合住等領之餘皆為民又詔天下置學廩
材立科目選之入仕皆從德海之請也子侃
侃字仲和幼為丞相史天澤所器重留于家而教養
之弱冠為百戶鸞負有謀略壬辰金將伯撒復取
州侃拒之破其兵四萬於新衛州遂渡河襲金主至
歸德敗其兵於關伯臺即從速不台攻汴西門金元
帥崔立降以功授總兵從天澤克太原書以下德安
功為千戶壬子送兵仗至和林改抄馬那漢從宗子
旭烈兀西征癸丑至木乃弓其國墮道置臺水中侃
破其兵五萬下一百二十八城斬其將忽都蓋而石

朱筆灘築障言王也丙辰至乞都卜其城在塔寒
山上懸帶上下守以精兵恒率乃築夾城圍之莫能
克侃架砲攻之守將十者納失兒開門降旭烈兀遣
侃往說兀魯兀乃築灘來降其父阿力掾西域侃攻
破之走據東城復攻破殺之丁巳正月至元里兒城
伏兵下令聞鉦聲則起敵兵果來伏發盡殺之海牙
築灘降又西至阿刺汀破其游兵三萬爲殺答而築
灘降至乞石迷部忽里築灘降西戎大國也地方八
千里父子相傳四十二世勝兵數千萬侃兵至破其
兵七萬屠西域又破廿六東城東城嚴守皆備以

木舉火焚之香聞百里得七十二弦琵琶五尺珊瑚
燈檠兩城間有大河侃預造浮橋以防其遁城破合
里法築灘登舟觀河有浮梁扼之乃自縛詣軍門降
其將紂荅兒遁去侃追之至暮諸軍欲頓舍侃不聽
又行十餘里乃止夜暴雨先所欲舍處水深數尺明
日獲紂荅兒斬之拔三百餘城又西行三千里至大
房其將任石致書請降左右以任石之請爲信然易
之不爲備侃曰欺敵者亡軍機多詐若中彼計恥莫
大焉乃嚴備以待任石果來邀我師侃與戰大敗之
巴兒築灘降下其城一百八十五又西行四十里至

密昔兒會日暮已休復驅兵起留數病卒西行十餘里頓軍下令軍中銜枚轉箭敵不知也潛兵夜來襲殺病卒可乃筭灘大驚曰東天將軍神人也遂降戊午旭烈兀命侃西渡海收富浪侃諭以禍福兀都筭灘曰吾昨所夢神人乃將軍也卽來降師還西南至石羅子敵人來拒侃直出掠陣一鼓敗之換斯干阿荅畢筭灘降至賓鐵侃以奇兵掩擊之大敗之加葉灘降已未破兀林游兵四萬阿必丁筭灘大懼來降得城一百二十西南至乞里彎忽都馬丁筭灘來降西域平侃以捷告至釣魚山會憲宗崩乃還鄧開屯

田立保障世祖卽位侃上疏陳建國號築都城立省臺興學校等二十五事及平宋之策其畧曰宋據東南以吳越爲家其要地則荆襄而已今日之計當先取襄陽旣克襄陽彼楊廬諸城彈丸地耳置之勿顧而直趨臨安疾雷不及掩耳江淮巴蜀不攻自平後皆如其策中統二年擢江漢大都督府理問官二年二月益都李璿及徐州總管李果哥俱反宋夏貴復來犯邊史天澤薦侃召入見世祖問計所出口羣盜竊發猶柙中虎內無資糧外無救援築城環之坐待其困計日可擒也帝然之賜尚衣弓矢馳至徐斬果

哥夏貴焚廬舍徙軍民南去侃追貴過宿遷縣奪軍
民萬餘人而還賜金符爲徐邳二州總管果哥之弟
驢馬復與夏貴以兵三萬來擾邊境侃出戰斬首千
餘級奪戰艦二百至元二年有言當解史天澤兵權
者天澤遂遷他官侃亦調同知滕州三年侃上言宋
人羈留我使宜與師問罪淮北可立屯田三百六十
所每屯置牛三百六十具計一屯所出足供軍旅一
日之需四年徙高唐令兼治夏津武城等五縣五年
邑人吳乞兒濟南道士胡王反討平之七年改白馬
令僧減羅漢與彰德趙當驢反又平之帝以侃習於

軍務擢爲萬戶從軍下襄陽由陽羅上流渡江江南
平遷知軍海州居一年卒侃行軍有紀律與農露宿
雖風雨不入民舍所至興學課農吏民畏服子秉仁
秉義

石天應

石天應字瑞之興中永德人善騎射豪爽不羈頗知
讀書鄉里人多歸之太祖時太師國王木華黎南下
天應率衆迎謁軍門木華黎即承制授興中府尹兵
馬都提控俾從南征天應造戰攻之具臨機應變捷
出如神以功拜龍虎衛上將軍元帥右監軍戍燕天

應旌旗色用黑人目之曰黑軍屢從木華黎大小二百餘戰常以身先士卒累功遷右副元帥辛巳秋八月從木華黎征陝右假道西夏自東勝濟河南攻葭州拔之天應曰說太師曰西戎雖降實未可信此州富金夏之衝居人健勇倉庫豐實加以長河為限脫為敵軍所梗緩急非便宜命將守之多造舟楫以備不虞此萬世計也木華黎然之表授金紫光祿大夫陝西河東路行臺兵馬都元帥以勁兵五千留守葭盧遂造舟楫建浮橋諸將多言水漲波惡恐勞費無功天應下令曰有沮吾事者斷其舌橋成諸將悅服

時守王公佐收合餘燼攻函谷關將圖復地反見橋成遂潰去於是分兵四出悉定葭緩之地一日謂木華黎於汾水東木華黎諭以進取之策天應遣鎮守將佐謂曰吾累卿等留屯於此今聞河東西皆平川廣野可以駐軍規取關陝諸君以為如何或諫曰河中雖用武之地南有潼關西有京兆皆金軍所屯且民新附其心未一守之恐貽噬臍之悔天應曰葭州正通廊延今廊已平延不孤立若發國書令其人取之猶掌中物耳且國家之急本在河南此州路險地僻轉餉甚難河中雖迫於一鎮實用武立功

之地北接汾晉西連同華地五千餘里戶數十萬若
起漕運以通餽餉則關內可尅期而定關內既定長
河以南平吾目中矣吾年垂六十老耄將至一旦卧
病床第聞後生輩立功名死不瞑目矣男兒要當死
戰陣以報國是吾志也秋九月遂移軍河中既而金
軍果潛入中條襲河中天應知之先遣驍將吳澤伏
兵要路澤勇而嗜酒是夕方醉卧林中金兵由間道
已直抵城下時兵燼後守具未完新附者爭繼而去
敵乘隙入天應見火舉知敵已入奮身角戰左右從
者四十餘騎皆曰吳澤誤我武勸西渡河天應曰牛

先時人諫我南遷吾違衆而來此事急棄去是不武
也縱太師不罪我何面目以見同列乎今日惟死而
已汝等勉之少頃敵兵四合天應飲血力戰至日午
死之木華黎聞而痛惜馬子煥中知興中府事執中
行軍千戶受中興中府相副官初天應死事時弟天
禹子佐中在軍中同敵少懈倒抽其斧反斫之突城
而出趨木華黎行營求得蒙古軍數千回與敵戰敗
之木華黎嘉其勇奏授金符行元帥尋詔將官各就
本城授興中府千戶子安琬襲職佩金符從征大理
討李璫皆有功十二年隆興之分寧叛行省檄安琬

討之賊背山而陣安琬引兵出陣後賊驚潰退而距
守安琬揮兵直抵壘門賊楊言曰願少容行伍而戰
死且不憾安琬從之賊果出陣安琬突陣而入大呼
曰吾止誅賊首庸卒非我敵也手刃中賊背生擒之
累功至右衛親軍副都指揮使進階懷遠大將軍賜
金虎符後授大同等處萬戶領江左新附卒萬人屯
田紅城大德三年李萬戶當戍和寧親老且病安琬
請代其行及還以病卒子居謙襲職後改忠翊侍衛
親軍都指揮使

穆剌涅兒

穆剌捏兒契丹人也幼有大志膂力過人沉毅多謀
略遼亡金以爲參議留守等官皆辭不受聞太祖舉
兵私語所親曰爲國復讐此其時也率其黨百餘人
詣軍門獻十策帝召見與語竒之賜名賽因必闍赤
又問爾生何地對曰霸州因號爲霸州元帥乙亥拜
兵馬都元帥佐太師木華黎取北京下高利興松義
錦等二十六城破五十四寨平利州賊劉四祿及錦
州賊張致兵勢方熾且盜名號木華黎命捏兒與大
將烏也兒稠斡兒合兵討之致拒戰捏兒出奇兵掩
擊斬致木華黎第功以聞遷龍虎衛上將軍兵馬都

提控元帥繼取遼東西廣寧金復海蓋等十五城興
州監州重兒反復與烏也兒討平之帝遣使者詔之
曰自汝効順戰功日多今錫汝金虎符居則理民有
事則將其勿替朕意戊寅從攻東平辛巳從攻延安
壬午從圍鳳翔先登手殺數十人左臂中流矢創甚
裹創進攻丹延木華黎止之對曰創未至死敢自愛
耶木華黎壯之與所乘白馬明日介其馬飾以朱纓
簡驍衛七十人與金兵戰木華黎乘高見其馳突萬
衆中曰此霸州元帥也諸軍繼進金兵敗走丹延十
餘城皆降遷軍民都達魯花赤都提控元帥兼興勝

府尹癸未從帝征河西取甘合辛蛇等州師還
木華黎攻益都下萊膠淄等三十二城戊子得疾歸
高州卒贈推忠宣力保德功臣太尉開府儀同三司
上柱國追封興國公諡武毅子買奴

買奴蚤從父習戰陣初入見太祖問曰汝年小能襲
父爵乎對曰臣年雖小國法不小帝異其對顧左右
曰此兒甚肖乃父以爲高州等處達魯花赤兼征行
萬戶庚寅命攻高麗花涼城監軍張翼劉霸都殞於
敵買奴怒曰兩將陷賊義不獨生趨出戰破之誅首
將撫安其民進攻開州州將金沙密逆戰擒之城

人出童男女及金玉器以獻卻不受遂下龍宣雲泰等十四城癸巳從諸王按赤台征女直萬奴部有功未幾召還興州趙祚反土豪楊買驢等附之帝命從親王察合台帥師討之斬賊將董蠻等圍買驢於險樹寨三月不能下買奴令健卒劉五兒即寨北小徑上大樹以繩潛引百人登寨直前劫之買驢投崖死餘黨悉平太宗即位錄功賜金鞍良馬乙未從征高麗人王京取其西京而還賜金鎖甲加鎮國上將軍征東大元帥佩金符復命出師高麗將行以疾卒年四十贈推誠效義功臣榮祿大夫平章政事追封興

公言顯懿子元百

元臣別名哈刺哈孫年十六入宿衛應對造止有世祖謂丞相和魯火孫曰此勲臣子非凡器也以為侍衛必闔赤襲千戶將其父軍從伐宋攻淮西成清口取瓜洲下通泰累有功至元十二年從丞相伯顏平宋進階武義將軍中衛親軍總管佩金虎符十四年只兒瓦台叛圍應昌府時皇女魯國公主在圍中元臣以所部軍馳擊只兒瓦台敗走追至魚兒濼擒之公主賜養甚厚奏請暫留元臣鎮應昌以安反側居一歲召至京師遷明威將軍

使還鎮應昌又三歲召還水磨勇大將軍十九年帝
以所籍入權臣家賜之元臣辭曰臣家世清素不
敢自污帝嘉嘆不已二十二年進昭毅大將軍同食
江淮行樞密院事行院罷歸高州帝親征乃顏元臣
率家僮五十人見行在所願效前驅八年移食湖廣
行樞密院時溪洞施容等州蠻獠作亂元臣親入其
境喻以禍福賊首魯萬丑降三十年卒于官贈安遠
功臣龍虎衛上將軍知樞密院事追封興國公

耶律子迪中奉大夫湖廣宣慰使都元帥
耶律花赤蕭蕭谷兒

耶律禿花契丹八世居桓州太祖時率衆奉歸大軍
入金境爲嚮導獲所牧馬甚衆後侍太祖同飲班木
河水獲伐金大破忽察虎擊又從木華黎收山東河
北有功拜太傅總領也可那延封濮國公賜虎符銀
印歲給錦幣三百六十疋統萬戶扎刺兒劉黑馬等七
天澤伐金卒于西河州子朱哥嗣仍統劉黑馬等七
萬戶與都元帥塔海紉下同征四川卒于軍子實童
嗣以疾不任事朱哥弟買住嗣而以實童充隨路新
軍總管買住言於憲宗曰今欲略定西川下流諸城
當先定成都以爲根本臣請往相其地帝從之遂率

諸軍往成都又嘉定未下而卒子忽林帶嗣總諸軍
立成都府率一軍以兄百家奴嗣自宋哥至百家奴
並襲太傅總領出可那延禿滿答兒者百家奴之弟
忽林帶之兄也嘗留中宿衛後百家奴解兵柄為他
官乃授成都管軍萬戶代將其軍至元十一年從忽
敦攻嘉定修平康寨以守之十二年從汪田哥攻九
頂山破之殺都統一人嘉慶降從忽敦徇下瀘叙諸
城圍重慶守合江口又以舟師塞龍門濠遏其援兵
十三年瀘州叛從汪田哥攻之重慶遣兵援瀘遂擊
破之獲七十人瀘堅守不下禿滿答兒夜率兵攻本

水城以進黎明先登入瀘城克之斬其將王世昌在
都統復從不花圖重慶守將張珏搏戰敗之城下重
慶降賜虎符授夔路招討使遷四川東道宣慰使仍
兼夔路招討改同僉四川等處行樞密院事遷四川
等處行中書省左承尚書省立改行尚書省左丞進
右丞卒忙古帶寶童之子也世祖時賜金符襲父職
為隨路新軍總管統領山西兩路新軍從行省也達
帶兒征蜀及思播建都諸蠻夷有功陞萬戶從攻羅
必甸至雲南詔以其衆入緬迎雲南王金齒白衣答
奔諸蠻往往伏險要為儻忙古帶奮擊破之九十餘

載至緬境開金齒道奉王以還遷副都元帥從諸王
阿台征交趾至白鶴江與交趾僞昭文王戰奪其戰
艦八十七艘又從雲南王攻羅必甸破之二十九年
入覲成宗即位授烏撒烏蒙等處宣慰使兼管軍萬
戶遷大理金齒等處宣慰使都元帥六年烏撒羅羅
斯叛雲南行省命率師討平之事聞賜鈔三千貫銀
五十兩金鞍轡及弓矢以旌其功九年討普安羅雄
州叛賊阿填擒殺之進驃騎衛上將軍迨授雲南諸
路行中書省左丞行大理金齒等處宣慰使都元帥
卒于軍至大四年贈龍虎衛上將軍平章政事仍追

王珣國公謚威愍子火休亦襲萬戶

王珣子榮祖

王珣字君寶本姓耶律氏世為遼大族金正隆末契
丹高幹叛祖成從母氏避難遼西異姓王氏遂為義
州開義人父伯俊伯父伯亨無子以珣為後珣武力
絕人善騎射尤長於擊鞠年三十餘遇道士謂珣曰
君之相甚奇官且因一青馬而貴珣未之信居歲餘
有客以青馬來贖珣私喜曰道士之言或可乎乃倍
償買之後乘以致其進退罔羨無不如意又嘗行凌
水濱得一古刀其背銘曰上無不克動必成功常佩

之每有警必先鳴故其向皆疑初河朔兵動豪強各
據衆據地珣慨然曰故如此大夫當自振拔否
則爲人所制乃召諸人論以得親族之計衆從之
推珣爲長旬月之間集遺民至十餘萬歲乙亥六
師木華黎略地奚雲珣等吏民出迎承制以珣爲元
帥兼領義川二州事丙子春張致僭號錦州陰結開
義楊伯傑等來掠遼州珣出戰伯傑引去會致兄子
必干騎來衝珣選十八騎突其前復令左右犄角之
一卒以槍刺珣珣揮刀殺之其衆潰走獲其馬樂蓋
府與中亦拔木華黎等之召珣以全軍來會致窺視

其居夜襲之家入皆避害及與中平珣無所歸
不置之與中遣其子榮祖馳奏其事帝諭之曰汝父
子宣力我家不意爲張致所襲歸語汝父善撫其軍
自今以往當忍耻畜銳俟逆黨平彼之族爲城邑人
民一以付汝吾不吝也仍免徭賦五年使汝父子世
爲大官珣以木華黎兵復開義擒伯傑等殺之遂攻
錦州致部將高益縛致妻子及其黨千餘人以獻木
華黎悉以付珣珣但誅致家其餘皆釋之始還義州
丁丑入朝帝嘉其功賜金虎符加金紫光祿大夫
馬都元帥鎮遼東使宜行事兼義川等州節度使

魏黑人等為哈刺元帥哈刺中國言黑也從木華黎
兵略山東至滿城小還鎮戒之曰彼新附之民持
海之險反覆不常非盡坑之終必為變對曰國朝
略中夏宜以恩信結人若降者則殺後寧復有至者
乎遂還以子榮祖代領其衆甲申春正月卒年四十
八珣為政簡易賞罰明信誅強撫弱毫髮無徇子四
人榮祖襲

榮祖字敬先珣長子也性沉厚語音如鍾勇力絕人
珣初附於木華黎以榮祖為質稍見任用珣卒襲
承天夫崇義軍節度使義州管内觀察使從嗣國王

字魯 朝帝聞其勇選力士三人送與之得守應
而倒 後留置宿衛會金平章政事葛不哥行省於遼
東咸平路宣撫使蒲鮮萬奴僭號於開元遂命榮祖
還副 撤里台進討之拔蓋州宣城等十餘城葛不哥
走死 金帥郭琮完顏曳魯馬趙遵李高奴等皆擄石
城復 攻拔之曳魯馬戰死遵與高奴出降虜生口亦
餘撤 里台欲散於麾下榮祖屢請皆放為民方城未
下時 榮祖遣部卒賈實穴其城城崩被虜衆謂已死
弗顧 也榮祖曰士忘身死國安忍棄去發石取之虜
生一 軍感激樂為効死有言義人懷反側者撤里台

將屠之榮祖馳驛奏辨事乃止己丑授北京等路
行萬戶換金虎符伐高麗國其王京高麗王力屈
其兄淮安公奉表納貢進討萬奴擒之趙祁以興州
叛從諸王按只台平之祁黨猶剽掠景劄間復從大
將唐兀台討之將行榮祖曰承詔討逆人耳豈可
及無辜宜惟抗我者誅大將然之由是免死者衆焉
從征高麗破十餘城高麗遣子罇入質帝賜錦衣
其功又從諸王也忽略地三韓降天譴諸堡皆焚
掠民悅服之破五里山城請於主將其民之下
子城竹林寨苦苦數萬帝嘉其功賜金幣官其

其千戶仍賞其部曲移鎮高麗平壤帝遣使諭之曰
彼小國負險自守釜中之魚非久自死緩急可否卿
當熟思榮祖乃募民屯戍關地千里盡得諸島嶼城
壘高麗遣其世子供出降遂以供入朝中統元年夏
詔榮祖詣闕帝撫慰之曰卿父子勤勞於國誠節如
一進松邊招討使兼北京等路征行萬戶賜寶鞍弓
矢還鎮以病卒年六十五子十三人顯者六人通興
中府尹泰權知義錦川等州總管與征東千戶通興
陽路管軍萬戶達東京五更征行萬戶廷鎮國上將
軍中衛親軍都指揮使江西湖東道提刑按察使

第三十六

列傳卷第三十七

元史一百五十一

南京國子監

祭酒

黃儒炳

補刊

司業

葉燦

石抹也先

石抹也先者遼人也其先嘗從蕭后舉族入突厥及后還而族留至遼為述律氏號稱后族遼亡改述律氏為石抹氏其祖庫烈兒誓不食金祿率部落遠徙年九十夜得疾命家人候日出則以報及旦沐浴拜日而卒父脫羅畢察兒亦不仕有子五人也先其仲子也年十歲從其父問宗國之所以亡即大憤曰兒

能復之及長勇力過人善騎射多智略豪服諸部金人聞其名徵爲奚部長卽讓其兄瞻德納曰兄姑受之爲保宗族計遂深自藏匿居北野山射狐鼠而食聞太祖起方朔匹馬來歸首言東京爲金開基之地蕩其根本中原可傳檄而定也太祖悅命從太師國王木華黎取東京師過臨潢次高州木華黎令也先率千騎爲先鋒也先曰兵貴奇勝何以多爲諜知金人新易東京留守將至也先獨與數騎邀而殺之懷其所受誥命至東京謂守門者曰我新留守也入據府中問吏列兵於城何謂交以邊備對也先曰吾自

朝廷來中外晏然柰何欲陳兵以動搖人心乎卽命撤守備曰寇至在我無勞爾輩是夜下令易置其將佐部伍三日木華黎至入東京不費一矢得地數千里戶十萬八千兵十萬資糧器械山積降守臣寅荅虎等四十七人定城邑三十二金人喪其根本之地始議遷河南歲乙亥移師圍北京城久不下及城破將屠之也先曰王師拯人水火彼旣降而復屠之則未下者人將死守天下何時定乎因以上聞赦之授御史大夫領北京達魯花赤時石天應與豪酋數十據興中府也先分兵降之奏以爲興中尹又命也先

副脫忽闌闐里必監張鯨等軍征燕南未下州郡至平州鯨稱疾不進也先執鯨送行在所帝責之曰朕何負汝鯨對曰臣實病非敢叛帝曰今呼汝弟致爲質當活汝鯨諾而宵遁也先追戮之致已殺使者應其兄矣致旣伏誅也先籍其私養敢死之士萬二千人號黑軍者上于朝賜虎符進上將軍以御史大夫提控諸路元帥府事舉遼水之西灤水之東悉以付之後從國王木華黎攻蠡州北城先登中石死時年四十一子四人曰查刺曰咸錫曰博羅曰保查刺亦善射襲御史大夫領黑軍戊寅從木華黎攻平陽太

原隰吉尙嵐關河諸郡下之攻益都久不下及降衆欲屠其城查刺曰殺降不祥且得空城將安用之由是遂免己卯詔以黑軍分屯真定固安太原平陽隰吉尙嵐諸郡及南征盡以黑軍爲前列敗金將白撒官奴于河渡河再戰盡殺之長驅破汴京入自仁和門收圖籍而還帝悉以諸俘獲賜黑軍癸巳從國王塔思汪金帥宣撫萬奴於遼東之南京先登塞軍乘之而進遂克之王解錦衣以賜辛丑太宗嘉其功授真定北京兩路達魯花赤癸卯卒于柳城年四十四子庫涼滿襲職中統三年從征李壇中流矢于

子良兼襄黑軍總管至元十七年以功累陞昭毅大將軍沿海副都元帥二十一年改沿海土副萬戶大德十一年告老子繼祖襲萬戶咸錫之子度刺攻樊城戰死贍德納後亦棄金官來歸為別失八里達魯花赤率其孫亦刺馬丹仕至遼陽省左丞亦刺馬丹子舍赤為湖廣行省平章政事

何伯祥

子壽

何伯祥易州易縣人幼從軍金從張柔來歸太祖定河朔惟保定王子昌信安張進堅守不下子昌企視將也柔命伯祥取之兵逼其城子昌出走追及之

伯祥執槍馳馬子昌反射之中手而貫槍伯祥拔矢棄槍策馬直前徒手搏之擒子昌送聞之燕趙去伯祥遂攻西山諸寨悉平之後攻泮梁拔洛阻圍歸德破蔡州論功居多授易州等處軍民總管丁酉從三帥察罕伐宋伯祥拔三十餘柵獲戰艦千餘艘又破巴蕉望鄉大洪張家等寨獲其眾器械山積察罕以其功聞賜錦衣金甲壬子一軍入宋境察罕自他道還還諸軍倉皇失措伯祥曰此必為敵所遏不若出其不意而遂深入其地彼不我測乃可出也遂率兵突戰直抵司空寨疏布營壘陵高伐木為攻取勢

既而命為五營營火十炬伏精銳于營側險要之地
元將明令士卒連行而鳴鼓其後宋兵果來追伏發
為隊潰去道擊大破之轉戰下餘里地軍不能歸者
皆剽然出帝聞之賜金二百兩世祖南伐伯祥參預
軍事多所獻納卒于軍贈儀同二司大保坐全國追
封易國公諡武昌子瑋

瑋始襲父職知易州兄行軍平尹率瑋復襲之鎮亭
州從圍襄樊宋將夏貴率舟師來救瑋時建營於城
東北當其衝貴兵縱火焚北關遂逼瑋萬戶脫因
不花等呼瑋入城瑋曰建功立業此其時也何避焉

其來誓以死戰開營門以身先之貴敗走至元
十一年丞相伯顏受命伐宋辟瑋為帳前都鎮撫師
次陽羅堡夏貴率戰艦列江上下瑋從元帥阿木率
衆先渡諸軍繼之貴復敗走宋丞相賈似道率舟師
拒于丁家洲瑋將勇敢士出戰奪舟十餘艘似道遁
去授武德將軍管軍總管佩金虎符宋既平進懷遠
大將軍太平路軍民達魯花赤陞昭勇大將軍行
戶部尚書兩淮都轉運使至元十八年擢參議中書
省事二十年擢為江浙按察使二十二年改大名路
兼管二十八年遷湖南宣慰使三十一年拜中書左

知政事時宰執凡十一人瑋曰古者一相專任賢也
今宰執負多政出多門轉相疑忌請損之不從遂乞
去大德四年授侍御史以母病辭七年授御史中丞
僕嘗世要務十條成宗嘉納之京師孔子廟成瑋言
居虞三代國都閭巷莫不有學今孔廟既成宜建國
學於其側從之賽典赤八都高等還自貶所復相位
言姦黨不可復用宜選正人以居廟堂帝深然之
秦御史郭章劾郎中哈刺哈孫受贓具服而哈刺
哈孫密結權要以枉問誣章瑋率臺臣入奏辯論劉
炳澤遂得釋九年冬將有事于南郊議祀享禘曰朕

天萬世不易不果行成宗崩丞相阿忽台奏
帝旨集廷臣議祔廟及攝政事瑋難之阿忽台變色
曰中丞謂不可行獨不畏死耶衆皆危懼瑋從容曰
死是不義耳若死於義夫復何畏未幾以疾去位武
宗即位于上都授太子副詹事遣使促便就職復遣
授平章政事商議中書省事武宗至自上都臨朝尚
曰孰爲何中丞瑋出拜帝曰朕知卿能以忠直爲國
朕有不達卿當勉輔至大元年遷太子詹事蓋衛率
使俄拜中書左丞仍平章政事商議中書省事未幾
擢河南行省平章政事佩金虎符提調屯田事帝召

王揖前面諭曰汴省事重屯田久廢鄉當爲國場方
馬黑貂裘一錦衣二襲璋至汴建諸葛亮祠立書院
以地三千畝贖之三年改河南行尚書省平章政事
李贈太傅開府儀同三司上柱國追封梁國公謚文
正

李守賢

李守賢字才叔大寧魏州人也祖小字放軍嘗從金
將攻宋淮南飛石傷髀錄功賞生口七十主將分命
將校殺所掠俘苟有失亡者罪死放軍當殺五百人
金夫安初守賢兄庭植守正守忠

兄伯通伯溫歸款於太師國王木華黎入朝太祖于
行在所卽命庭植爲龍虎衛上將軍右副元帥崇義
軍節度使守賢授錦州臨海軍節度觀察使弟守忠
爲都元帥守河東朝廷以全晉爲要害之地人心危
疑未定非守賢鎮撫之不可乃自錦州遷河東南路
兵馬都總管旣至河東人皆曰吾等可恃以生矣歲
戊子朝于和林加金紫光祿大夫知平陽府事兼本
路兵馬都總管庚寅太宗南伐道平陽見田野不治
以問守賢對曰民貧窘乏耕具致然詔給牛萬頭仍
徙關中生口墾地河東辛卯平陽當移粟萬石輸雲

元史及傳卷三十一
七
中守賢奏以百姓疲敝不任輓載帝嘉納之時河中未下守賢建言以爲將士逗留沮撓多所傷溺臣請自北面鑿城先登如其言城果下遂構浮橋明年蒲津南濟潼關二月大破趙雄兵于芮城時方會師圍汴留守賢屯嵩汝金兵十餘萬保少室山太平寨守賢以三千人介其中度其帥完顏延壽無守禦之才癸巳正月望夕延壽擊毬爲嬉守賢潛遣輕捷者數十人緣崖蟻附以登殺其守卒遂大縱兵入破之下令禁無抄掠悉收餘衆以歸不兩旬連天交牙蘭若香爐諸寨皆望風俱下守賢未嘗妄

殺一人及攻河南其渠魁強元帥者以其衆出奔守賢追及降之蔡藍帥王祐聚衆數萬據號之南山守賢使人責祐祐素憚守賢威畧卽以所部來附關東洛西遂定甲午冬十月卒年四十六子穀嗣歲丁酉從太帥塔海緝布征蜀漢有功明年攻礪門又明年下萬州會戰於瞿塘獲戰艦千餘艘辛丑朝行在所授河東道行軍萬戶兼總管己巳進兵攻成都由廣元出葭萌度木瓜坡蜀之餘孽團聚爲梗聞穀至潛爲伏以待穀謀知之令衆銜枚疾進出其不意賊兵敗走長驅至成都破之壬

子襲嘉定戊午秋憲宗南伐己未入梁州師次江上
造舟爲梁以通援兵且斷宋人往來之路會江漲
梁中絕宋將率舟師萬艘逆戰毅以一旅先犯之
諸軍繼進遂破之明日帝召謂諸將曰汝輩平日
自負鷙勇及臨敵不能爲朕立尺寸功獨李毅身犯
矢石摧鋒陷陣視敵蔑如言勇者如毅乃可耳賜
白金二百五十兩中統三年改河東路總管佩金
虎符移京兆路加昭勇大將軍未幾轉洛磁路至
元七年正月卒年四十九子十一人伯溫見忠義
傳

耶律阿海

耶律阿海遼之故族也金桓州尹撒八兒之孫尚書
葬事官脫迭兒之子也阿海天資雄毅勇略過人尤
善騎射通諸國語金季選使王可汗見太祖姿貌異
常因進言金國不治戎備俗日侈肆亡可立待帝喜
曰汝肯臣我以何爲信阿海對曰願以子弟爲質明
年復出使與弟禿花俱往慰勞加厚遂以禿花爲質
直宿衛阿海得參預機謀出入戰陣常在左右歲壬
戌王可汗叛盟謀襲太祖太祖與宗親大臣同休戚
者飲辨屯河水爲盟阿海兄弟皆預焉旣敗王可汗

金人訝其使久不還拘家屬于瀛阿海殊不介意攻戰愈厲帝聞之妻以貴臣之女給戶俾食其賦癸亥冬進攻西夏諸國累有功丙寅帝建龍旗卽大位敕左帥闞別略地漢南阿海爲先鋒辛未破烏沙堡鏖戰宣平大捷澮河遂出居庸耀兵燕北癸酉拔宣德德興乘勝次北口闞別攻下紫荆關阿海奏曰好生乃聖人之大德也興創之始願止殺掠以應天心帝嘉納焉遂分兵略燕南山東諸郡還駐燕之近郊金主懼請和論其使曰阿海妻子何故拘繫弗遣卽送歸來師還出塞甲戌金人走汴阿海以功拜大師行

中書省事封禿花爲太傅濮國公每宴享必賜坐命禿花從木華黎取中原阿海從帝攻西域俘其酋長只蘭禿下蒲華尋斯干等城留監尋斯干專任撫綏之責未幾以疾薨于位年七十三至元十年追封忠武公子三人長怵古台次綿思哥次捏兒哥怵古台在太祖時爲御史大夫佩虎符監戰左副元帥官金紫光祿大夫管領契丹漢軍守中都招安水泊等處卒無子捏兒哥在太祖時佩虎符爲右丞行省遼東萬奴叛舉家遇害綿思哥襲太師監尋斯干城久之請還內郡守中都路也可達魯花赤佩虎符卒子二

人買哥通諸國語太祖時爲奉御賜只孫服襲其父
中都之職時供億浩繁屢貸于民買哥悉以私帑償
之事聞賜銀萬兩戊午從攻蜀師次釣魚山卒于軍
妻移刺氏以哀毀卒特贈貞靜子七人老哥歷提刑
按察使入爲中書左丞驢馬備宿衛爲必闈赤仕至
右衛親軍都指揮使至元二十四年世祖宴于柳林
命驢馬居其父位次賜只孫服二十五年戊哈丹禿
有戰功以老乞骸骨子六人五臺奴襲職拔都兒中
書右丞文謙興國路總管卜花早卒蒙古不花荆湖
北道宣慰使虎都不花一名文炳湖州同知萬奴爲

人臣副總纂

何實

何實字誠卿其先北京人曾祖博霄雄於貴好施與
鄉里以善人稱祖鼎敬父道忠仕金爲北京留守實
少孤依叔父居氣節不亢家人嘗入卧內見一青蛇
蜿蜒衣被中駭而視之乃實也及長通諸國譯語曉
勇善騎射調鷹不羈遠近之民慕其雄畧成歸心焉
歲己亥中原盜起錦州張鯨自立爲臨海郡王遣使
納款于太祖尋以叛伏誅鯨弟致物以叛謀於實實
厲聲叱曰天之曆數在朔方汝等恣爲不軌徒自斃

耳乃籍戶口一萬募兵二千丙子春來歸大將木華黎與論兵事奇變百出拊髀欣躍大加稱賞遂引見太祖獻軍民之數帝大悅賜鞘劍一命從木華黎遷克前鋒時張致復據錦州實與賊遇於神水縣挺身陷陣殊死戰殺三百餘人獲戰馬兵械甚衆木華黎奏賜鞍馬弓矢以勸之以功爲帳前軍馬都彈壓詔封木華黎太師國王東下齊數郡使實帥師四千取燕南齊西之地首襲邢州徇趙郡取魏鄴下博團叢曹濮恩德泰安濟寧勢如破竹薄維州與木華黎會遷兵馬都鎮撫從取大同鴈門石隰等州悉平之引

兵掠太原平陽河中京北平所向欵附木華黎錄其功表實爲元帥左監軍與木華黎卒子字魯嗣武仙黨徒據邢實帥師五千圍之立雲梯先士卒登堞拱禦之城破武仙走逐北四十里大破之斬首二百餘級是夜仙黨遁去實下令敢有擅討掠者斬軍中肅然一民按堵字魯命戍于邢多著善政郡民敬之知神明曰申字魯征西夏以實分兵攻汴陳秦唐鄧許鈞雍鄭亳潁沂至有功許魯首一千五百餘級俘工匠七百餘人字魯復命駐兵邢州分織匠五百戶置局謀織丁亥賜金虎符便宜行元帥府事邢因

武丁之亂歲屢饑請移匠局于博字魯從之問其勞
瘁臣勿出征更檄東平嚴實與之分治軍民事博值
兵久後物貨不通實以絲數印置會子權行一方民
獲買遷之利實有旨收諸將金符乙未字魯以實
子仲澤為質子丁酉太宗數召入見實貢金帶紋綺
三匪次陵州遇寇實與左右射之斃二十七餘人生獲
十餘人朝于帳殿帝殺甚問遇盜之故命所獲寇勿
殺仍以賜實是日賜坐與論軍中故事良久曰思鄉
效力有年朕欲授以征行元帥後當重任實叩頭謝
曰小臣被堅執銳從事鋒鏑二十餘年身被十餘槍

不能舉已為廢人矣臣不敢命願辭監軍之

職幸得元佩金符督治工匠歲獻織幣優游以終其
身於臣足矣帝默然不悅令射以觀其強弱實不能
射命入宿衛密使人覘之實臂果不能舉固辭十餘
始可其奏遂錫宴取金符親賜之授以漢字宣命充
御用局人臣達魯花赤子孫世其爵更賜白貂帽減
錢索纒器衣一襲弓一矢百遣歸丁巳卒于博子九
人孫十七人子崇禮授應奉翰林文字從仕郎同知
宗正監國史院編修官

齊和尙後裔

郝和尚拔都太原人以小字行幼爲蒙古兵所掠在
部三造忤麾下長通譯語善騎射太祖遣使宋往返
數四以辨稱歲戊子以爲九原府主帥佩金符庚寅
率兵兩伐畧地潼陝有功辛卯授行軍千戶乙未從
皇子南伐至襄陽宋兵四十萬逆戰漢水上領先鋒
數百人直前衝其陣宋兵大潰丙申從都元帥塔海
征蜀下興元宋將王連以重兵守劔閣乃募敢死士
十二人無夜破關入蜀諸城悉下明年取夔府抵大
江宋兵三十萬軍於南岸郝和尚拔都選驍勇九人
乘輕舸先登橫馳陣中既出復入宋兵不能支由是

以善戰名庚子歲太宗於行在所命解衣數其瘡痕
二十一嘉其勞進拜宣德西京太原平陽延安五路
萬戶易佩金虎符以兵二萬屬之復賜馬六騎金錦
弓鎧有差甲辰朝定宗於宿寔都之行宮賜銀萬錠
辭以賞過厚臣不應獨受臣得效微勞肯將校協力
之功遂奏將校劉天祿等十一人皆賜之金銀符戎
車奉詔還治太原請凡遠道租稅監課過重者悉蠲
除之歲饑出白金六十錠粟千石羊數千以助國用
己酉陞萬戶府爲河東北路行省得以便宜從事凡
四年壬子三月卒追贈太保儀同三司真國公謚忠

定子十二人長天益佩金符太原路軍民
管次仲威襲五路萬戶扎刺不花鎮寧都
宣慰使天舉大都路總管兼廉平天祐陝西
戶天澤夔州路總管天麟京兆等路諸軍
天挺河南江北行中書省平章政事

趙瑁

趙瑁雲中蔚州人父昆仕金為帥府評事
瑁以萬戶守飛狐城歲庚午昆卒瑁輦其
母如蠡州留瑁於飛狐瑁自幼不羈閑習
武事癸酉太祖南伐先鋒至飛狐城中不
知所為瑁詣縣曰大兵壓境不降何

衆從之丁丑太師國王木華黎駐兵桓州
署為百戶從攻蠡州金兵閉城拒守國王
裨將石抹也先戰死王怒將屠其城瑁泣
曰母與兄在城中乞以一身贖一城之命
哀懇切至國王義而許之從攻相州抵其
門死士突出瑁直前擊之流矢中鼻側鏃
出腦後拔矢再戰七日破其城論功授冀
州行軍都元帥佩金虎符瑁讓其兄珪
朝廷從之改授瑁軍民總管稍遷易州
達魯花赤佩金符太宗下河南瑁自易州
馳驛輸矢二十餘萬至行在帝大喜命權
中都省事癸巳趙揚據興州叛瑁進軍平
之遷中山真定二路達魯

花赤中統元年詔立十道宣慰司以璿爲順天宣慰使至元元年轉淄萊路總管六年改太原路總管十二年陞燕南道提刑按察使十四年遷河南道十六年致仕明年卒年八十皇慶元年贈儀同三司太保上柱國追封定國公謚襄穆子秉溫

秉溫事世祖潛邸命受學於太保劉秉忠從征吐蕃雲南大理中統初詔行右三部事至元七年創習朝儀閱試稱旨授尚書禮部侍郎知侍儀司事明年授秘書少監購求天下秘書十九年遷昭文館大學士知太史院侍儀司事授時曆成賜鈔二百錠進階中奉大夫二十九年編國朝集禮成帝特命其子慧襲侍儀使皇慶元年贈金紫光祿大夫司徒雲國公謚文昭子慧後仕至昭文館大學士

石抹明安

石抹明安桓州人性寬厚不拘小節爲童子時嘗騎杖爲馬令羣兒前導行列整肅無敢喧譁者父老見而異之曰是兒體貌不凡進退有度他日必貴旣長歎曰士生于世當立功名書竹帛以傳無窮寧肯碌碌無聞與草木同腐邪歲壬申太祖率師攻破金之撫州將遂南向金主命招討紇石烈九斤來援時明

安在其麾下九斤謂之曰汝嘗使北方素識蒙古國
主其往臨陣問以舉兵之由不然卽詬之明安初如
所教俄策馬來降帝命縛以俟戰畢問之旣敗金兵
召明安詰之曰爾何以詈我而後降也對曰臣素有
歸志向爲九斤所使恐其見疑故如所言不爾何由
瞻奉天顏帝善其言釋之命領蒙古軍撫定雲中東
西兩路旣而帝欲休兵於北明安諫曰金有天下一
十七路今我所得惟雲中東西兩路而已若置不問
待彼成謀併力而來則難敵矣且山前民庶久不知
兵今以重兵臨之傳檄可定兵貴神速豈宜猶豫帝

從之卽命明安引兵南進所至民皆具簞食壺漿以
迎盡有河北諸郡而還帝復命明安及三合拔都將
兵由古北口徇景薊檀順諸州諸將議欲屠之明安
奏曰此輩當死今若生之則彼之未附者皆聞風而
自至矣帝從之乙亥春正月取道州金右副元帥蒲
察七斤以其衆降明安命復其職置之麾下遂駐軍
于京南建春宮金御史中丞李英元帥左都監烏古
論慶哥領兵護軍食以援中都帝遷右副元帥神撒
將四百騎迎戰明安將五百騎繼之遇于永清將戰
命士卒佯敗金兵來追迴擊大破之死及溺水者甚

衆獲李英及所佩虎符得糧千餘車遂招諭永清不降拔而屠之未幾金將完顏合住監軍阿興鬆哥復以步兵萬二千人糧車五百兩援中都明安復將三千騎往擊之遇于涿州宣封寨獲鬆哥合住遁去盡得其輜重還屯建春宮四月攻萬寧官克之取富昌豐宜二關攻拔固安縣初順州之破兵士縛密雲王簿完顏壽孫以獻明安釋而用之不久逸去復來問其故對曰有老父在城中恐不能存謀歸欲得侍養今已歿故復來明安義而釋之五月明安將攻中都金相完顏復興飲藥死辛酉城中官屬父老緇素開

門請降明安諭之曰負固不服以至此極非汝等罪守者之責也悉令安業仍以粟賑之衆皆感悅明安早從軍旅料敵制勝筭無遺策雖祁寒盛暑未嘗不與士卒均勞逸同甘苦其得金府庫珠玉錦綺明安悉具其數上進未嘗以纖毫爲己有中都旣下加大傅邵國公兼管蒙古漢軍兵馬都元帥丙子以疾卒于燕城年五十三子二人長咸得不襲職爲燕京行省次忽篤華太宗時爲金紫光祿大夫燕京等處行尚書省事兼蒙古漢軍兵馬都元帥

張榮

張榮字世輝濟南歷城人狀貌奇偉嘗從軍爲流矢貫背拔之不出令人以足抵其額而拔之神色自若金季山東群盜蜂起榮率鄉民據濟南費堂嶺衆稍盛遂略章丘鄒平濟陽長山辛市蒲臺新城及淄州之地而有之兵至則清野入山歲丙戌東平順天皆內屬榮遂舉其兵與地納款於按亦台那衍引見太祖問以孤軍數載獨抗王師之故對曰山東地廣人稠悉爲帝有臣若但有倚恃亦不款服太祖壯之拊其背曰真賽因八都兒也授金紫光祿大夫山東行尚書省兼兵馬都元帥知濟南府事時貿易用銀民

爭發墓劫取榮下令禁絕庚寅朝廷集諸侯議取汴榮請先六軍以清蹕道帝嘉之賜衣三襲詔位諸侯上辛卯軍至河上榮率死士宵濟守者潰詰旦敵兵整陣至榮馳之望風披靡奪戰船五十艘麾抵北岸濟師衆軍繼進乘勝破張盤二山寨俘獲萬餘大將阿木魯恐生變欲盡殺之榮力爭而止癸巳汴梁下從阿木魯爲先鋒攻睢陽議欲殺俘虜烹其油以灌城又力止之旣而城下榮單騎入城撫其民甲午攻沛沛拒守稍嚴其將唆蛾夜來擣營榮覺之唆蛾返走率壯士追殺之乘勝急攻城破就攻徐州守將國

用安引兵突出榮逆擊之亦破其城用安赴水死乙未拔邳州丙申從諸王闕端破宋棗陽仇城等三縣時河南民北徙至濟南榮下令民間分屋與地居之俾得樹畜且課其殿最曠野闢爲樂土是歲中書致績爲天下第一李瓊據益都私餽以馬蹄金榮曰身旣許國何可擅交鄰境却之年六十一乞致仕後十九年世祖卽位封濟南公致仕卒年八十二子七人長邦傑襲爵先卒邦直行軍萬戶邦彥權濟南行省邦允知淄州邦孚大都督府郎中邦昌奧魯總管邦憲淮安路總管孫四十人宏襲邦傑爵改真定路總

管

劉亨安

劉亨安其先范陽人後遷遼東川州初國王木華黎經略遼東兄世英率宗族鄉人隸麾下分兵收燕趙雲朔河東以功充行軍副總管庚辰平陽諸郡被兵之餘民物空竭世英言於王曰自古建國以民爲本今河東殺掠殆盡異日我師復來孰給轉輸收存恤亾此其時也王善之以絳州邊地難其人奏授世英絳州節度使兼行帥府事卒于師無子國王孛魯命其族兄德仁襲職丙戌歲金將移刺副樞攻絳州城

陷死之木華黎承制命亨安領其眾奏賜金虎符授鎮國上將軍絳州節度使行元帥府事兼觀察使庚寅冬從王師渡河入關辛卯春克鳳翔歷秦隴屯渭陽秋出階城沿漢抵鄧壬辰會大軍於鈞州敗金人於三峰山甲午平蔡旣而宋兵二十萬攻汴將趨洛都元帥塔察兒俾亨安往拒之與宋軍遇龍門北遂橫槊躍馬奮突而前眾因乘之宋師奔潰追擊百餘里塔察兒拊其背曰真騎將也延坐諸將之右勞賜甚厚丙申都元帥塔海征巴蜀攻散關破劍門出奇制勝戰功居多進圍成都亨安爲先鋒大破之於城西生擒宋將陳侍郎有喬長官與亨安爭功未幾攻城喬爲砲所傷亨安負之以出喬感愧亨安從軍十年累著勲伐所獲金帛悉推與將佐故士卒咸樂爲用癸卯冬十二月卒子貞嗣職孫三人弘彊孳

列傳三十七

嘉靖十年補刊

元史列傳卷三十一

三

列傳卷第三十八

元史一百五十一

南 京 國 子

監 祭

酒黃儒炳

司 業葉 燦補刊

薛塔刺海

薛塔刺海燕人也剛勇有志歲甲戌太祖引兵至北口塔刺海帥所部三百餘人來歸帝命佩金符爲砲水手元帥屢有功進金紫光祿大夫佩虎符爲砲水手軍民諸色人匠都元帥便宜行事從征回回河西欽察畏吾兒康里乃蠻阿魯虎忽纏帖里麻賽蘭諸國俱以礮立功太宗三年睿宗引兵自洛陽渡河塔

刺海由隴右假道金商遂會師于均州三峰山敗金師四年破南京及唐鄧均許諸州取鄢陵扶溝四月卒子奪失刺襲爲都元帥南攻江淮有功歲庚戌卒弟軍勝襲憲宗八年從世祖攻釣魚山苦竹崖大林平青居山破重慶馬湖天水賜以白金鞍馬等物中統三年李璫叛濟南又以礮破其城至元五年從圍襄陽三月卒丞相阿朮欲以千戶劉添喜攝帥府事子四家奴年方十六請從軍自効帝壯而許之八年始襲父爵十年冬十二月襄樊未下四家奴立砲攻之明年正月襄陽守呂文煥降繼從丞相伯顏南伐

十月至郢州先登師既渡江四家奴自鄭州下泂海諸城堡至建康十二年授武節將軍六月與宋將夏貴戰于峪溪口奪其船二百餘艘十一月屠常州十二月取蘇州十三年攻鎮巢七月圍揚州守臣李庭芝棄城走追獲之九月進階懷遠將軍將兵平浙東諸郡從征福建灤江與宋兵力戰破之獲戰艦千餘艘十六年進階鎮國將軍鎮揚州二十二年改爲萬戶

高闢兒

高闢兒女直人事太祖從征西域復從闕出太子察

罕那演連歲出征累有功授金符總管管領山前十路匠軍歲已未憲宗憫其老命其子元長襲其職從世祖渡江攻鄂還鎮隨州至元二年移鎮季陽五年從元帥阿木修立白河口新城鹿門山等處城堡圍襄樊七年充季陽軍馬總管十年從攻樊城先登十一年從渡江鼓戰艦上流與宋人戰殺三百餘人奪其船及鎧仗以功賜虎符陞宣武將軍進兵丁家洲與宋臣孫虎臣等大戰殺五百餘人奪其船及鎧仗無算敗夏貴于焦湖從征常州先登又攻杭州宋平護送宋太后至京師以功進懷遠大將軍萬戶二十

一年從征... 二... 太子脫歡征交趾追襲交趾世子于大海口奪其戰艦以還二十二年陞安遠大將軍季陽萬戶府萬戶是年夏復以兵追襲交趾世子于海之三义口與敵軍合戰中毒矢而死子成里干初直宿衛襲父職領兵鎮廣東尋移戍惠州平盜譚六獠朱珍等元貞元年移戍袁州盜陀頭以聚犯境悉勦除之尋廣之南恩盜起復領兵平之還戍于袁州贈懷遠大將軍季陽萬戶府萬戶輕車都尉... 侯

以表

王義字宜之真定寧晉人家世業農義有膽智沈毅寡言讀書知大義金人遷汴河朔盜起縣人聚而謀曰時寧知此吾寧欲保全家室宜有所統屬乃相與推義為長攝行縣事尋號為都統太師國王木華黎兵至城下義率眾以寧晉歸焉入覲太祖賜駿馬二匹授中軍晉令兼趙州以南招撫使是時兵亂民廢農耕所仕人相食寧晉東有藪澤周回百餘里中有水堡曰涇城義曰涇城雖小而完且有魚藺芟芡之利不可出八也留偏將李直守寧晉身率眾深瀝城由是金活也自衆歲已亥金將李伯祥擾趙州木華黎遣義

擣其城會天大風雨義帥壯士挾長梯夜趨四面齊登殺守埤者城中亂伯祥挺身走天壇寨州遂定木華黎承制授義趙州太守趙冀二州招撫使丁丑大軍南取鉅鹿洛州二城還軍至唐陽西九門遇金監軍納蘭率冀州節度使柴茂等將兵萬餘北行義伏兵桑林先以百騎挑之納蘭趨來迎戰因誘之近桑林伏起金兵大亂奔還義納蘭二弟及萬戶李虎成寅拔東鹿進攻深州守帥以城降順天都元帥張柔上其功陞深州節度使深冀趙三州招撫使金將武仙以兵四萬來攻東鹿仙諭軍士曰

束鹿 六少無糧 無糧一日可拔也 盡銳來攻 義
隨機 應拒 獲三一日不能下 大小數十戰 皆捷 一夕
義召 村佐曰 今城守雖有餘 然外無援 兵糧食將盡
豈可 一而待 楚推 李 率精銳 三二 衙 夜出 竟
擣仙 營 仙 軍 亂 乘 暗 攻 之 殺 數 千 人 仙 率 餘 衆 遁 還
真定 悉 獲 其 軍 資 器 仗 木 華 黎 聞 之 遣 使 送 銀 牌 十
命義 賜 有 功 者 庚 辰 授 冀 州 獲 柴 茂 捕 送 軍 前 木 華
黎 張 柔 復 上 其 功 授 龍 虎 衛 上 將 軍 武 安 軍 節 度 使
行深 真 二 州 元 帥 府 事 賜 金 虎 符 辛 巳 仙 復 遣 其 將
盧秀 李 治 然 兵 謀 獲 趙 州 并 瀝 城 率 戰 艦 數 百

艘 沿 江 而 下 義 具 舟 楫 於 紀 家 莊 截 其 下 流 邀 擊 之
義 士 卒 皆 水 鄉 人 善 水 戰 回 旋 開 闔 往 來 如 風 雨 船
接 則 躍 登 彼 船 奮 戈 疾 擊 敵 莫 能 當 殺 千 餘 人 擒 秀
伯 祥 退 保 瀝 城 義 引 兵 拔 之 伯 祥 西 走 二 子 死 焉 邢
州 盜 號 趙 大 王 聚 衆 數 千 據 任 縣 固 城 水 寨 真 定 史
天 澤 集 諸 道 兵 攻 之 不 能 下 甲 午 義 引 兵 薄 其 城 一
鼓 下 之 獲 趙 大 王 侯 縣 令 等 數 人 殺 之 餘 黨 悉 平 義
乃 布 教 令 招 集 散 亡 勸 率 種 藝 深 冀 之 間 遂 爲 樂 土
云 大 昭 國 王 木 華 黎 中 別 王 率 衆 來 攻 賊 本 將 軍

王 王 玉 忱 附

順 治 十 五 年 刊

王玉趙州寧晉人長身駢脅多力金季爲萬戶鎮趙州太師國王木華黎下中原玉率衆來附領本部軍從攻邢洛磁三州濟南諸郡號長漢萬戶從攻澤潞諸州獨潞州堅壁不下王力戰流矢中左目竟拔其城又破平陽下太原汾代等州師還署元帥府監軍以趙州四十寨隸焉先是金將武仙旣降復叛殺元帥史天倪宋將彭義斌在大名陰與仙合玉從笑乃帶史天澤攻敗武仙生擒義斌駐軍寧晉東里寨仙遣人賫誥命誘玉妻妻拒曰妾豈可使夫懷二心於國家耶仙圍之數匝殺其子寧壽玉聞之領數騎突

其圍斬獲數百人而還仙遣人追之不敢進皆曰王將軍膽氣驍雄我輩非敵也仙乃盡發玉先世二十七家棄骸蒲道玉從史天澤諸將擊仙於趙州仙糧絕走雙門寨圍之會大風仙獨脫走斬其將四十三人真定遂平加定遠將軍權真定五路萬戶假趙州慶源軍節度副使有民負西域賈人銀倍其母不能償玉出銀五千兩代償之又出銀三百餘口爲良民中統元年二月卒年七十子忱

忱字允中幼讀書明敏有才識平章趙壁引見裕宗潛邸語稱旨命宿衛掌錢穀計簿授山北遼東道提

刑按察司副使駙馬伯忽里數馳獵蹂民田忱以法
繩之憲吏耿熙言徵北京宣慰司積年逋負計可得
鈔二十萬錠帝遣使覈實熙懼事露擅增制語有并
打算大小一切諸衙門等事凡十二字追繫官吏至
數百人忱驗問知其詐熙乃款伏裕宗薨于潛邸忱
建言陛下春秋高當早建儲嗣平章不忽木以聞帝
嘉納焉改河北河南道提刑按察副使忱以江南人
甯子北方名爲養子實爲奴也乞禁之又省部以正
軍餘田出調發忱言士卒晝冒寒暑遠涉江海宜加
優恤皆從之潁州朱喜嘗得兵旣自贖主家利其
貲復欲以爲奴又有誣息州汪清爲奴殺而奪其妻
子及田宅者獄久不決忱皆正之劾罷鎮南帥唐兀
台唐兀台結援大臣誣奏于帝繫忱至京師得面陳
其事世祖大悟抵唐兀台罪按察司改廉訪司起忱
爲燕南河北道肅政廉訪副使累遷嶺南廣西河東
山西兩道肅政廉訪使江陵汴梁兩路總管至大三
年拜中奉大夫雲南行省叅知政事未行卒

趙迪

趙迪真定藁城人也幼孤事母孝多力善騎射金末
爲義軍萬戶郡將出六鈞強弩立賞募能挽者迪能

之卽署真定尉遷藁城尉陞爲丞太祖兵至藁城迪率衆迎降歲壬午改藁城爲永安軍以迪同知節度使事嘗從帝西征他將校豪橫俘掠獨迪治軍嚴所過無犯先是真定旣破迪亟入索藁城人在城中者得男女千餘人諸將欲分取之迪曰是皆我所掠當以歸我諸將許諾迪乃召其人謂曰吾懼若屬爲他將所得則分奴之矣故索以歸之我今縱汝往宜各遂生產爲良民衆感泣而去時兵荒之餘骸骨蔽野迪爲大塚收瘞壬子歲卒年七十子七人椿齡真定路轉運使

邱順

邱順保定行唐人占籍於曲陽縣金末盜起順會諸族集鄉人豪壯數百人與其弟常築兩砦于石城玄保分據以守歲甲戌率衆來歸太祖授行唐令丙子真定饑羣盜據城叛民皆穴地以避之盜發地而噉其人順擒數百人殺之朝廷陞曲陽爲恒州以順爲安撫使金將武仙據真定帥衆來攻順與戰大敗之賜金虎符加鎮國上將軍恒州等處都元帥庚辰武仙屯兵于黃堯兩山順及弟常又擊敗之時西京郝道章陰結武仙抄掠州縣順擒道章殺之仙退真定

以自保順從木華黎攻之敗之於王柳口仙遂棄真
定南走以功賜順名察納合兒陞驃騎衛上將軍克
山前都元帥弟常賜名金那合兒辛卯春從太宗攻
河南諸郡招降民十餘萬以順知中山府己亥佩金
符爲行軍萬戶管領諸路元差軍五千人從大軍破
歸德府畱順戍之丁未駐師五河口宋兵夜襲營順
掩殺其衆生獲十五人癸丑攻漣水甲寅舉部屬肖
撒八耨隣之功以奏上賜肖撒八耨隣金銀符仍隸
麾下丙辰春順卒年七十四子浹襲職己未從世祖
渡江圍鄂州有戰功中統元年世祖卽位浹以所部

張三等十二人妻歸于朝遂以金銀符賜之三年
李瓊還守息州至元十二年賜虎符授金州招討副
使後又遷懷遠大將軍金州萬戶十三年改襄陽管
軍萬戶三月以樞密院奏行淮西總管萬戶府事守
廬州十四年移龍興仍管領本軍人十五年復爲
管軍萬戶攻贛州崖石寨太平岩賊有功十七年陞
興國上將軍都元帥鎮龍興諸寨兼管本萬戶府事
賜紫印言贛盜起行省遣元帥濟以鎮之二十一年
元帥府罷復爲萬戶二十三年佩元降虎符爲歸德
萬戶鎮守言安未幾統領江西各萬戶集兵七年成

慶東元二載大德三年卒年七十七贈蒲國壯將軍
其慶元帥府都元帥護軍追封高陽郡公謚襄敏子
榮仁襲佩其虎符為宣武將軍歸德萬戶鎮廣東惠
州咸瘴疾不任事子貫襲貫卒子士忠襲士忠卒子
文襲順族弟琮

宗大在時從族兄行唐元帥常來降歲乙酉金降將
武仙復獲真定叛琮敗之于黃臺癸巳從元帥侂彥
滅金于蔡有功真定五路萬戶選充總管府推官尋
表旨賜金符授管軍總押管領七路兵馬鎮徐州宋
兵入境琮戰却之己亥從大將察罕攻滁州力戰流

矢血膺明年季子澤襲移鎮穎州宋兵攻穎澤戰敗
之至元四年從元帥阿木克平嘉禾及老鴟山十一
年從沙洋奪六艦皆論功受賞有差十二年授武德
將軍管軍總管從攻潭州及靜江尋官懷遠大將軍
管軍萬戶柳州路總管府達魯花赤二十二年改授
廬州蒙古漢軍萬戶尋遷穎州翼會徽州績溪縣監
趙澤討平之二十八年移鎮杭州季子元謙襲為鎮
州萬戶元謙字子模襲模季子忠世

王善字子善

王善字子善真定藁城人父增監本縣酒務以孝行

稱善資儀雄偉其音若鐘多智略尤精騎射金貞祐
播遷田疇荒蕪人無所得食善求食以奉母乙亥歲
盜蜂起衆推善爲長善約束有法備禦有方盜不能
犯擢本縣主簿戊寅權中山府治中時武仙鎮真定
陰蓄異志忌善威名密令知府李濟府判郭安圖之
己卯秋濟安張宴伏兵召善計事善覺即還治襄
卒得不等入慷慨與盟人舉自奮遂誅濟安乃諭其
黨曰造孽者李郭耳除無所問善夜卧北城上戒麾
下曰夕以我累汝家嘗取吾首獻帥府衆曰公何爲
出此言我輩惟有効死而已遂率衆來歸換金符同

知中山府事是年冬以兵三百攻武仙仙遣將率精
銳二千拒戰善擒斬之仙走獲鹿委其佐段琛城
復戰拔之入據其城軍勢大振自中山以南降州郡
四十二庚辰遷中山真定等路招討使尋加右副元
帥驃騎大將軍屯橐城壬午陞橐城爲匡國軍以善
行帥府事癸未進金吾衛大將軍左副元帥仙窮迫
請降詔命復舊鎮善奏仙狼子野心終必反覆請修
城隍備之未幾仙果叛率衆來攻火及西門善出戰
却之仙使其部下宋元偁老幼四千人南奔善追奪
之俾復故業仙自是不敢復入真定其部曲多來降

丙戌以功賜金虎符仍行帥府事壬辰從征河南至鄭州州將馬伯堅素聞善名登陴大呼曰橐城王元帥在軍中否願以城降之善直前免胄與語伯堅果率衆出降善令軍中秋毫無犯民皆按堵願從善北渡者以萬計擣之土田以安集之丙申兼河北西路兵馬副都總管辛丑授知中山府事屬縣新樂地居衝要迎送供給倍於他縣皆取於民善均其勞逸所徵或未給輒出家貲代輸民德之又放家僮五百人爲民咸懷其恩癸卯卒年六十一皇慶元年贈銀青榮祿大夫同徒追封冀國公謚武靖子慶淵爲行軍

千戶征淮南死次慶端

慶端字正甫初爲郡筦庫進水軍提領訓練士卒常如臨敵敗李壇於老僧口以功佩金符爲千戶監築大都城移戍清口宋兵來攻守將戰歿城欲陷慶端拔刀誓衆裹創力戰城得以全群盜四起復擊走之進武節將軍管軍總管領左右中衛兵從世祖北征還遷右親軍副都指揮使進侍衛軍都指揮使建威武營以處衛兵經畫田廬使各安業別立神鋒軍親教以蹶張弩技作整暇堂屏利局浚渠構室如治家事至元十九年改詹事丞時有司欲就威武貸粟數

萬石濟飢民裕宗在東宮以問慶端慶端對曰兵民等耳何間焉卽命與之帝嘗遣近侍夜出伺察爲邏卒所執近侍以實告卒曰軍中惟知將軍令不知其他近侍以聞帝賞以黑貂裘及親征乃顏命慶端以所部從時年六十餘與士卒同甘苦晝則環甲執兵迎敵夜臥不解衣暇則俾士卒爲軍市自相懋遷征東之功慶端贊畫居多成宗卽位論翼戴功拜金吾衛上將軍中書左丞行徽政副使兼隆福宮左都成衛使進階資德大夫大德二年加榮祿大夫平章政事僉書樞密院事兼使如故以疾卒

杜豐

杜豐字唐臣汾州西河人父珪以積德好施鄉稱善人豐少有大志倜儻不羣通兵法仕金爲平遙義軍謀克佩銀符太祖取太原豐率所部來降皇舅按赤那延授兵馬都提控從國王按察兒攻平陽先登克絳州解州諸堡招集流民三萬餘家以功賜金虎符陞征行元帥左監軍金人南遁遂以豐守河北庚辰上黨張開以萬衆寇汾州豐率精騎五千敗之從國王阿察兒下懷孟破溫谷木澗等寨輒先登攻洪洞西山斬首六百餘級攻松平山破之賊墮崖死以萬

計獲生口甚衆金將武仙等往來鈔掠平陽太原間
行路梗塞壬午授豐龍虎衛上將軍河東南北路兵
馬都元帥便宜行事遂破玉女割渠等寨俘獲千餘
人丙戌從按赤那延攻益都金守將突圍出豐戰扼
之斬首千級捕虜二十人益都下遂略地登萊降島
民萬餘己丑以才部取沁州由是銅鞮武鄉襄垣綿
山沁源諸縣皆下辛卯命豐撫定平陽太原真定及
遼沁未降山寨皆平之乙未陞沁州長官長官者國
初高爵也在沁十餘年寬繇簿賦勸課農桑民以富
足丁未請老丙辰疾卒于家年六十有七沁人立祠

歲時祀焉子三人思明思忠思敬思敬事世祖潛邸
由平陽路國之累遷治書侍御史阿合馬敗臺臣皆
罷去思敬以帝所眷知獨留出爲安西路總管僉陝
西行省事歷汴梁總管再入中臺爲侍御史時桑哥
以罪誅風紀爲之振肅未幾拜叅知政事改四川行
省左丞不赴陞中書左丞致仕年八十六卒謚文定
石抹孛迭兒

石抹孛迭兒契丹人父桃葉兒徙霸州孛迭兒仕金
爲霸州平曲末寨管民官太師國王木華黎率師至
霸州孛迭兒迎降木華黎察其智勇奇之擢爲千戶

兩廂侯謝修
歲甲戌從木華黎覲太祖於雄州佩以銀符充漢軍都統帝次午闌山欲盡戮漢軍木華黎以孛迭兒可用奏釋之因請隸麾下從平高州乙亥授左監軍佩金符與北京都元帥吾也兒分領錦州紅羅山北京東路漢軍二萬又從奪忽闌闔里必徇地山東大名比至洛州城守甚堅師不得進孛迭兒不避矢石率衆先登遂拔之丁丑從平益都泝密萊淄戊寅從定木原忻代平陽吉陽岢嵐汾石絳州河中潞澤遼沁辛巳木華黎承制陞孛迭兒爲龍虎衛上將軍勳軍等路元帥佩金虎符以黑軍鎮守固安水寨旣之令

兵士屯田且耕且戰披荆棘立廬舍數年之間城市悉完爲燕京外敞庚寅朝太宗于行在所賜金符辛卯從國王塔思征河南癸巳從討萬奴於遼東平之孛迭兒始從征伐及後爲將大小百戰所至有功年七十以疾卒于官子紉查刺查茶刺

賈塔刺渾

賈塔刺渾冀州人太祖用兵中原募能用砲者籍爲兵授塔刺渾四路總押佩金符以將之及攻益都下之加龍虎衛上將軍行元帥左監軍便宜行事師還駐謙謙州卽古烏孫國也歲己丑將所部及契丹女

直唐兀漢兵攻斡脫刺兒城塔刺渾督諸軍穴城先
入破之卽軍中拜元帥改銀青光祿大夫從睿宗入
散關畧關外四州經興元渡漢江畧唐鄧申裕諸州
鼓行而東河南平陞金紫光祿大夫總領都元帥從
大帥太赤攻徐邳平之十六年卒子抄兒赤襲從諸
王也孫哥塔察兒南征戊午卒於軍子冀驢襲卒弟
六十八襲至元五年諸軍圍襄樊九年六十八帥所
部戍駱駝嶺一字城立砲樊城南不發以怠敵心俄
帥銳卒突出攻其城西破之以功賜銀幣鞍馬弓矢
十一年諸軍南征渡江明年加宣武將軍宋常州守
臣姚訔堅守不下六十八發砲摧其城壁以納諸軍
宋援兵突至力戰却之常州旣克帥府令總新附砲
手軍臨安降加懷遠大將軍從諸軍追宋二王至海
下三十餘城十四年加昭勇大將軍十五年領南軍
精銳者入衛加輔國上將軍十八年論功授奉國上
將軍管領砲手軍都元帥二十年罷都元帥更授砲
手軍匠萬戶佩三珠虎符二十六年卒

奧敦世英

奧敦世英女真人也其先世仕金爲淄州刺史歲癸
酉太祖兵下山東淄州民奉世英及弟保和迎降皆

授以萬戶世英倜儻有武畧由萬戶遷德興府尹時
金經畧使苗道潤率衆欲復山西世英與戰克之將
盡殺所俘其母責之曰汝華族也畏死而降此卒伍
爾驅之死戰何忍殺之耶遂止世英從數騎巡部定
襄卒於軍保和由萬戶陞昭勇大將軍德興府元帥
錫虎符改雄州總管尋以元帥領真定保定順德諸
道農事凡闢田二十餘萬畝改真定路勸農事兼領
諸署賜居第戎器裘馬給戶食其租年五十六致仕
保和四子希愷希元希魯希尹希愷襲勸農事皇太
后錫以錦服曰無墜汝世業 縣有水旱必力請蠲

租謂民賴之南征時置軍儲倉于汴衛歲輸河北
路粟以實之分冬月三限失終限者死吏徵歛舞法
民甚苦之希愷知其弊蠲煩苛而民不擾尋以勸農
使兼知冀州希愷至爲束約健訟之俗爲變蒙古軍
取民田牧久不歸希愷悉奪歸之軍無怨言至元二
年遷順天治中三月改順德又踰月陞知河中府秩
滿歸調時阿合馬專政官以賄成希愷不往見之降
武德將軍知景州數月卒希元彰德漕運使希魯澧
州路總管希尹中統三年李壇叛濟南世祖命丞相
史天澤討之希尹謁天澤面陳利害願擊賊自効誠

其騎射壯之命充真定路行軍千戶與賊戰矢無虛發賊敗走入城中諸王哈必赤賞銀五十兩希尹請築外城圍之深溝高壘俟其糧絕不戰而坐待其困天澤從之璽旣就擒至元十一年樞密錄其功自右衛經歷六遷至同知廣東道宣慰司事卒

田雄

田雄字毅英北京人也幼孤能樹立以驍勇善騎射知名金末署軍都統歲辛未太祖軍至北京雄率衆出降太祖以雄隸太師國王木華黎麾下從征興中廣寧諸郡定府州縣二十有九平錦州張鯨兄弟之

辭從攻栢鄉邢相辛巳從攻鄜坊綏葭諸州有功木華黎承制受雄隸吉州刺史兼鎮戎軍節度使行都元帥府事平汾西霍山諸柵壬午以木華黎命授河中帥聽石天應節制太宗時從攻西和興元諸州又從攻夔萬諸州論功尤最賜金符授行軍千戶召爲御前先鋒頃之使攻破楨州雷家堡奉旨招納河南降附得戶十三萬七千有奇民皆按堵而別部將校縱兵虜掠民惶懼悔降雄力爲救護至出已財與之民得免於害癸巳授鎮撫陝西總管京兆等路事時關中苦於兵革郡縣蕭然雄披荆棘立官府開陳禍

福招徠四山堡砦之未降者獲其人皆慰遣之由是來附者日衆雄乃教民力田京兆大治事聞賜金符定宗時入覲于和林以疾卒年五十八後追封西秦王子八人大明襲職知京兆等路都總管府事

張拔都

張拔都昌平人歲辛未太祖南征拔都率衆來附願爲前驅遂留備宿衛從近臣漢都虎西征回紇河西諸蕃道隴蜀入洛屢戰流矢中頰不少郤帝聞而壯之賜名拔都自是漢都虎亦專任之甲午金亡以漢都虎爲砲手諸色軍民人匠都元帥守真定漢都虎

卒無子以拔都代之及漢都虎兄子瞻閣少長拔都請于朝歸其政而終老焉子忙古台從憲宗攻蜀釣魚山苦竹二壘冒犯矢石屢挫而不沮遂以勇敢聞中統元年賜銀符預議砲手軍府事尋易金符爲行軍千戶從征襄樊有功卒子世澤襲從丞相伯顏南征大小十餘戰皆有功又從平廣西明年收瓊萬諸州拜宣武將軍行軍總管未幾遷副萬戶加明威將軍從鎮南王脫歡伐交趾旣還及再舉將校舊嘗往者許畱恤之有脫歡者當行適病不能起世澤曰吾祖父以武勇稱吾蒙其餘澤荷國厚恩當輸忠王室

增光前人豈可苟爲自安計耶力請代之凱還人服其義云

張榮

張榮清州人後徙鄆陵歲甲戌從金太保明安降太祖賜虎符授懷遠大將軍元帥左都監乙亥正月奉旨畧東平益都諸郡戊寅領軍匠從太祖征西域諸國庚辰八月至西域莫蘭河不能涉太祖召問濟河之策榮請造舟太祖復問舟卒難成濟師當在何時榮請以一月爲期乃督工匠造船百艘遂濟河太祖嘉其能而賞其功賜名兀速赤癸未七月陞鎮國上

將軍砲水手元帥甲申七月從征河西乙酉從征關西五路十月攻鳳翔砲傷右髀帝命賜銀三十錠養病於雲內州庚寅七月卒年七十二子奴婢襲佩虎符砲水手元帥領諸色軍匠太祖伐金命由關西小口收附金昌州等郡乙未金亾戊戌授懷遠大將軍癸卯三月陞輔國大將軍甲辰二月領蒙古漢軍守均州戊申九月宋兵襲均州奴婢拒戰大敗宋師巳酉十一月復與宋兵戰流矢中右臂中統三年卒年七十五子君佐襲佩虎符砲水手元帥戊戌蔡州五年都元帥阿木命將砲手兵攻襄陽至元八年調守襄

陽一字城橐駝嶺攻南門牛角堡破之攻樊城親立
砲摧其角樓樊城破十年襄陽降叅政阿魯海牙以
宋降將呂文煥入朝奉旨召蒙古漢人萬戶凡二十
人陛見各以功受賜帝親諭之令還鎮十一年從軍
下漢江至沙洋丞相伯顏命率砲手軍攻其北面火
砲焚城中民舍幾盡遂破之賜以良馬金鞍金段又
以火砲攻陽邏堡破之十二年從大軍與宋將孫虎
臣戰于丁家洲復從丞相阿朮攻揚州是年冬又從
諸軍破常州十三年陞懷遠大將軍仍砲水手元帥
秋君佐屯軍真揚間絕宋糧道宋制置李庭芝都統
姜才棄城走揚州平以君佐爲安慶府安撫司軍民
達魯花赤十四年春安慶野人原及司空山天堂賊
將攻安慶君佐密察知之時城中軍僅數百人君佐
命搯賊出沒要道賊不敢入乃寇黃州行省命君佐
率衆復黃州因以爲黃州達魯花赤十五年加鎮國
上將軍仍砲水手元帥十九年命率新附漢軍萬人
脩膠西閘埧以通漕運二十一年兼海道運糧事是
年卒

趙天錫賁亭

趙天錫字受之冠氏人屬金季兵起其祖以財雄鄉

元史列傳卷三十八
里爲衆所歸貞祐之亂父林保冠氏有功授冠氏丞
俄陞爲令大安末天錫入粟佐軍補脩武校尉監洛
水縣酒太祖遣兵南下防禦使蘇政以爲冠氏令乃
挈縣人壁桃源天平諸山歲辛巳春歸行臺東平嚴
實實素知天錫名遂擢隸帳下從征上黨以功授冠
氏令俄遷元帥左都監兼令如故甲申宋將彭義斌
據大名冠氏元帥李全降之人皆擢天錫令衆姑
少避其鋒以圖後舉乃率將佐往依大將孛里海軍
未幾破義斌于真定授左副元帥同知大名路兵馬
都總管事李全在大名結其帥蘇椿納金河南從宣

鄭侗日以取冠氏爲事天錫每戰輒勝一日侗自將
萬人來攻天錫率死士乘城力戰三晝夜侗度不能
下乘風霾遁去巳丑朝行在所上便民事優詔從之
戊戌征宋駐兵蘄黃間被病還卒于冠氏年五十子
六人賁亨嗣

賁亨字文甫襲行軍千戶巳未從國兵渡江攻鄂有
功至元五年總管山東諸翼軍征宋攻襄樊賁亨出
抄蘄黃以五百人拔野人原寫山砦脩白河新城七
年階元帥劉整朝京師命爲征行千戶賜金符及衣
帶鞍馬攻樊城冒矢石擁盾先登破之十一年脩東

西正陽城三月敗夏貴于淮益以濟南汴梁一路新
軍十二年正月從攻鎮江與宋將孫虎臣張世傑大
戰于焦山殺掠甚衆十三年江南平以功陞宣武將
軍十四年授虎符懷遠大將軍處州路總管府達魯
花赤未行適盜發澈浦行省檄爲招討使率兵平之
未幾處州青田縣李文龍章焱殺趙知府以叛貴身
獲其黨始知七縣俱反李文龍自署爲兩浙安撫使
據處州天慶觀貴亨率衆圍之將騎士三百陳于下
河門賊出戰以精騎蹂之遂棄城突圍散走斬首三
級貴亨入城乃招散亾立官府章焱復合二萬衆來

攻陣惡溪南貴亨分兵拒守自將精銳亂流衝擊屬
萬戶忽都台以援兵至自己至亥賊方退文龍溺死
忽都台以處卽亂山爲州無城壁可恃且反側欲屠
之貴亨曰我受命來監此郡賊固可殺良民何辜不
從將士虜掠子女金帛貴亨捕得倡率者杖之仍各
一所失還之州民悅服十五年龍泉縣張三八合衆
二萬殺慶元縣達魯花赤也速台兒且屠其家貴亨
將騎士五百往討與賊將鄭先鋒陳壽山三千餘人
戰于浮雲鄉斬首三百餘級三八軍于縣西賊三戰
俱敗軍還賊衆水陸俱設伏貴亨擇步卒驍悍者使

前賊不敢近既而衢州賊陳千二聚二萬人遂昌葉丙六亦聚三千人助之賁亨前後斬首三千餘級悉平之十七年改處州路管軍萬戶二十二年還冠氏卒年五十七

元史列傳卷三十八終

元史卷第三十九

列傳第三十九

南京國子監

祭酒胡尚英

補刊

司業王錫衮

張晉亨 好古

張晉亨字進卿冀州南宮人也其兄同知安武軍節度使事領棗強合顯以冀州數道之衆附嚴實于青崖後從實來歸進顯安武軍節度使西征戰沒歲戊寅太師國王木華黎承制署晉亨襲顯爵晉亨涉獵書史小心畏慎臨事周密實器之以女妻焉實征澤潞偏將李信晁海相繼降于宋晉亨跋涉險阻晝伏

夜行僅免於難實遣子忠貞入質命晉亨與俱丁亥
從國王孛羅征益都以功遷昭毅大將軍領恩州刺
史兼行臺馬步軍都總領領再遷鎮國大將軍征淮
楚河南晉亨畢從甲午從實入覲命爲東平路行軍
千戶圍安慶其守將走邀擊之斬首百級俘獲無筭
攻光之定城俘其將士十有五人畧信陽執復州將
金之才攻六安拔之大小數十戰策功居多實卒其
子忠濟奏晉亨權知東平府事東平貢賦率倍他道
迎送供億簿書獄訟日不暇給歷七年吏畏而民安
之辛亥憲宗卽位從忠濟入覲時包銀制行朝議戶

賦銀六兩諸道長吏有輒請試行於民者晉亨面責
之曰諸君職在親民民之利病且不知乎今天顏咫尺
知而不言罪也承命而歸事不克濟罪當何如且
五方土產各異隨其產爲賦則民便而易足必責輸
銀雖破民之產有不能辨者大臣以聞明日召見物
其言以對帝是之乃得蠲戶額三之一仍聽民輸他
物遂爲定制欲賜晉亨金虎符辭曰虎符國之名器
長一道者所佩臣隸忠濟麾下復佩虎符非制也臣
不敢受帝益喜改賜璽書金符恩州管民萬戶中統
三年李璫叛晉亨從嚴忠範戰於遙墻灤勝之改本

道與魯萬戶四年授金虎符分將本道兵充萬戶戍
宿州首言汴堤南北沃壤開曠宜屯田以資軍食乃
分兵列營以時種藝選千夫長督勸之事成期年皆
獲其利至元八年改懷遠大將軍淄萊路總管尋兼
軍事十一年詔伐宋晉亨在選中聞命就道曰此報
效之秋也分道由安慶渡江丞相伯顏留之戍鎮江
兼與民政壹以鎮靜為務戰焦山瓜洲皆有功十三
年卒於官子好古

好古字信甫少讀書善屬文器識宏遠勇而有謀父
晉亨權知東平府事嚴忠濟承以好古權其父軍

戍宿州戊午奏真授行軍千戶攻樊城身中流矢
不少卻主將旌其功賞銀百兩略揚循泰興海門
還擊邵伯埭拔之從大軍攻鄂中統元年還宿州
濟命兼恩州刺史訪民瘼革吏弊立為條約未幾
戍新州李璫叛據濟南宋人攻蘄好古率兵迎擊力
不敵死之時普亨在濟南軍中聞之哭曰吾兒死得
其所矣弟好義襲下江淮有功

王琮

王琮字實大名南樂人世為農家琮懷有大志
金末喪亂所在盜起南樂人揚鐵槍聚眾保鄉里太

相遣兵攻破河朔錢槍以兵應之行營帥按只哥
軍前都彈壓錢槍與金軍戰死與推蘇椿代領其衆
宋將彭義斌帥師侵大名椿戰不利降之義斌遂據
大名珍棄其家間道走還軍中按只嘉其誠待遇益
厚以爲假子復從速魯勿心擊走義斌蘇椿以大名降珍
妻子故在珍語之曰吾非喜汝輩誠不以私愛奪吾
報國之心耳聞者稱歎授鎮國上將軍大名路治中
軍前行元帥府事俄以取守海州城功遷輔國上將
軍復授統攝開曹滑濟等處行元帥府事兼大名路
安撫使蘇椿復欲叛歸金珍覺之與元帥梁仲先

兵攻椿椿開南門而遁國王韓真授仲行省珍驍騎
衛上將軍同知大名府事兼兵馬都元帥從刺不台
經略河南破金將武仙子鄭州復與金人戰于齒縣
斬其將項之仲死國王命仲妻再守真權行省事珍
爲大名路尚書省下都元帥將其軍國用安撫徐邳
徐從大赤及阿木魯攻拔之授同簽大名行省事兼
軍伐宋破光州棗陽廬壽滁州珍常身先諸將屢有
功宋城五河口珍帥死士二十人奪之宋人遁乘勝
進師連破濠泗渦口歲庚子入見太宗授總帥本路
軍馬管民次官佩金符珍言於帝曰大名困於賊調

賞借而或賈人銀八十錠及逋糧五萬斛若復徵之
民無生者矣詔官償所借銀復盡蠲其逋糧已而謂
足議分蒙古漢軍戍河南以珍戍睢州修城隍明斥
候宋兵不敢犯己酉入朝定宗進本路征行萬戶加
金虎符在鎮九年卒年六十五子文幹善騎射襲為
行軍萬戶己未從世祖攻鄂州先登中流矢賜以良
馬金帛李璫叛從哈必赤討平之哈必赤論功語以
官賞文幹對曰增秩則榮及一身賜金則恩逮麾下
廼以白金二千兩器四百事雜綵數百緡賞之文幹
悉願之軍中中統三年制父兄弟子並仕同塗者罷

其弟子文幹弟文禮為千戶文幹自陳願解已官而
留文禮詔從之改同知大名路總管府事累遷河東
山西道提刑按察副使近臣言其鄂州之功陞簽東
川行樞密院事歷全州衛輝東平總管改江東建康
道提刑按察使卒于官年五十八發其篋中錢僅七
緡貧不能歸葬人以此稱之

楊傑只哥

楊傑只哥燕京寶坻人家世業農傑只哥少有勇力
太祖畧地燕趙率族屬降附從攻遼左及從元帥阿
朮魯定西夏諸部有功己丑睿宗賜以金幣命從阿

木魯攻信安阿木魯知其材畧出諸將右命裁決軍務信安城四面阻水其帥張進數月不降傑只哥曰彼恃巨浸我師進不得利退不得歸不若往說之進見其來怒曰吾已斬二使汝不懼死耶傑只哥無懼色從容言曰今齊魯燕趙地方數千里郡邑聞風納降獨君恃此一城內無軍儲外無兵援亡可立待爲君計者不如請降可以保富貴而免死亡進默然曰姑待之凡三往乃降辛卯大名守蘇椿叛討獲之衆議屠城傑只哥曰怒一人而族萬家非招來之道也衆是其言由是滑濬等州聞風納款壬辰師次徐州

阻河不得濟傑只哥探知有賊兵操舟楫伏於河首率勁卒數人憑河擊之悉奪舟楫衆遂得渡獲河首諸郡降人三萬餘戶進攻徐州金將國用安拒戰傑只哥率百餘騎突入陣中迎擊於後大敗之擒一將而還皇太弟國王駐兵河上見之賜名拔都授金符命總管新附軍民乙未太宗特賜傑只哥種田民戶租賦丁酉從阿木魯攻歸德傑只哥麾諸將縛草作筏渡濠抵城下梯城先登拔之由是進攻得五州十縣四堡二寨己亥宋兵至己登歸德城傑只哥率衆拒戰敗之率舟師追擊轉戰中流溺死年四十子孝

先孝文孝先僉江北淮東道肅政廉訪司事孝文鎮
江路總管

劉通

劉通字仲達東平齊河人也初從嚴實來歸繼從收
濮曹相潞定陶楚兵實薦于太師木華黎以通爲齊
河總管尋授鎮國上將軍左副都元帥濟南知府德
州總管行軍千戶太宗錫金符陞上千戶宋將彭義
斌攻齊河城率衆夜登通與六七人鼓譟而進宋人
驚懼墜溺死者甚衆明日復合圍城三匝通令守陴
者植槩如櫛俄從撤去宋人懼其向已也大潰義斌

僅以數騎免歲丁酉遷德州等處二萬戶軍民
歲丙辰卒子復亨襲爲行軍千戶從嚴實畧安會通
秦淮濠泗斬黃安慶諸州憲宗西征復亨攝萬戶統
東平軍馬攻釣魚山苦竹寨有功師還兼德州軍民
總管中統元年奉旨戊和林還授虎符進武衛軍副
都指揮使李璫叛遣使招復亨復亨立斬之時遣兵
討賊集濟南乏食復亨盡出其私蓄以濟師世祖嘉
之賜白金五十兩復亨固辭至元二年進左翼侍衛
親軍都指揮使四年遷右翼九年加昭勇大將軍鳳
州等處經畧使十年遷征東左副都元帥統軍四萬

戰船九百征日本與倭兵十萬遇戰敗之還招降淮南諸郡邑十二年授昭信路總管十四年遷黃州宣慰使十五年改太平路總管俄授鎮國上將軍爲淮西道宣慰使都元帥二十年加奉國上將軍三月卒子五人浩澤澧淵淮浩中統四年襲千戶至元八年歿于兵澤由近侍出爲荆湖北道宣慰使澧知長寧州俱蚤卒淵至元十一年佩金符授進義副尉爲徐州邳屯田總管下丁莊千戶九月領兵巡邏泗州至淮河九里灣遇宋軍戰勝奪其船三十餘艘十二年二月與宋安撫朱煥戰于清河敗之擒十四人奪其輜

重九月從右丞別里迷失攻淮安十三年與宋人昭信軍南靖平山俱有功十四年北覲進武畧將軍管軍總管十五年從元帥張弘範征閩廣漳韶諸州以功授武德將軍十六年從攻崖山弘範命淵領後翼軍水戰有功十七年淮安遠大將軍爲大招討二十一年遷潁州富萬戶二十四年從征交趾鎮南王脫歡命領水步軍二萬攻萬劫江擒十六人繼攻靈山城賊衆迎敵大敗之師還二十八年捕寇淞東獲其酋長三人三十一年兼領紹興淞江五翼軍守杭州繼以疾卒大德十一年卒子無晦至大元年襲授

昭信校尉穎州副萬戶俄進武德將軍延祐五年以病免六年改河南江北行省都鎮撫泰定四年加宣武將軍

岳存

岳存字彥誠大名冠氏人初歸東平嚴實承制授存武德將軍帥府都總領保冠氏會金從宜鄭侗復據大名距冠氏僅三十里遣兵來攻侗不得志復自將萬人合圍其勢甚張存率死士百餘突出西門勇氣十倍金人退走存追之越境乃還歲己丑從嚴實及武仙戰于彰德西敗之遷明威將軍行冠氏主簿明

...平騎兵二百步平二百自彰德北還至開州... 金將張開遇開衆萬餘存軍依大林... 我寡不可輕動當聽吾鼓聲為節乃命騎士居前... 卒次之與敵相去僅二十步一鼓作氣無不一當... 百開衆大潰追二十餘里不損一卒而還破河南攻... 漢無役不與辛丑陞本縣丞庚戌... 治堯立數年... 有恩政乙卯告老退休田里中統三年以疾卒年六... 十九子天禧襲父職冠氏縣軍民... 從圍襄樊師... 府承制授管軍百戶修立百丈山鹿行... 寺堡天禧率... 銳士冒矢石從樊城東北先登為... 所傷墮地復

購得以登手刃數人築正陽東西城及
於鎮江造戰船
無天復成置其役戰焦山平奉化賊
功陞營軍千
戶江南平從元帥張弘範觀帝于柳林
賜金錦銀鞍
副授昭勇大將軍福州路總管平允溪
賊秩滿改吉
州平宋新賊後遷蕪州七年遷處原首
定救荒之政
民立碑以紀遺愛馬至大二年卒于處
原年七十二

張子良

張子良字漢臣涿州范陽人金末興
兵起所在募
兵自保子良率千餘人入燕薊
已而遂聚州

人阻水治舟箴取蒲魚自給從之者衆
至不能容子
良部勒定興新城數萬口就食東平東
平守納之矢
之守棄東平還汴撤子良南屯宿州又
南屯壽州其
全劫其民出雞口李敏據州子良率麾下
下造敏敏欲
害之走歸宿因以宿帥之衆奪全所劫
老幼數萬以
還全怒連徐邳之軍來攻子良與宿帥
所其營全失
其軍符走死揚州時金受重圍於汴聲
援盡絕有國
用安者圖以漣水之衆入援道阻游兵
不能進子良
與一偏將晝伏夜行得入汴達用安意
金君臣以為
言天降也由賜勞來凡所欲皆如用安
請因以徐宿

授子良明字子良進米五百石于汴後
 官陝西東路兵馬仍治宿州當是時全
 而用安亦卒不得志徐宿之間民無食
 養以食子良嚴兵護之以防鈔掠猝遇
 傷乃率其眾就食泗州泗守閱兵將圍
 下十數人即軍中生縛其守民不欲北
 子良資以舟楫無敢掠其財物歲成
 歲二十五縣軍民十萬八千餘口因元
 太宗命為東路都總帥授銀青榮祿大
 行尚書省兼都總帥管領元附軍民進
 金紫光祿大

夫子良合符自兵興以來子良轉徙南北依之

全活者不可勝計癸丑憲宗命為歸德府總管

元附軍民中統二年夏四月世祖命為歸德泗州總

管臨虎符仍管領泗州軍民總管七年罷元管戶隸

諸郡縣改授昭勇大將軍大名路總管兼府尹八年

卒年七十八贈昭勇大將軍兼樞密院事上輜車都

尉定封清河郡侯諡翼敏子二人長懋以亨亨佩金

虎符為管軍千戶子與立龍亨子鑑襲

懋之熒未弱冠已有父風侍子良官京東故懋領

其眾從丞相阿朮軍立歸德府以美軍鎮之移鎮下

事知歸德府事李壇叛濟南以其兵戍蔡州中統元
年授泗州軍總兵佩金符至元七年擢濟南諸路
都軍于至元九年從破襄樊有功十一年丞相伯顏南
征其行陣以律軍考為先而衆軍繼之懋以勇鸞將
等前行凡所過山川道路險阻通梁筏平塹穿安營
設伏出納可計伯顏信用之擢為省都鎮撫水陸並
進其任甚重師歷臨安滅宗以其主及母后羣臣北
還駐劄洲伯顏命懋往諭淮而夏貴副以兩介將騎
士直趨合龍貴出迎設賓禮懋示以通順禍福辭肯
惟厲貴命繪畫之地圖降書馳還報伯顏大喜後

令行徇鎮京安壽壽春懷遠淮安濠等州郡皆以
復使之徧諭列城軍民使知帝之德意十三年
馳驛至上都伯顏上其功宣授懋明威將軍泗州安
撫司達魯花赤十四年改安撫司為總管府置宣慰
使以統之拜同知淮西道宣慰司事十六年改授懷
遠大將軍吉州路總管懋惡衣糲食率之以儉慎刑
平政處之以公新府治設義倉雖能吏不過也部使
者則宣慰之元有所懲治朝至夕報豪強疎然部高
戶蘇良待勢為暴為之翼者有十虎之目民甚苦之
乃上其實於憲府盡誅十虎者奪良虎符而黜之民

大悅尋盜有事乘將白晝劫掠者悉聞之率從騎奪
其完導其會長以歸民之流亡與遷郡之來歸者數
千家相率為生祠以祀之十七年二月卒年六十三
贈司空大將軍龍興路總管上輕車都尉追封清河
奉侯謚宣毅子二人文煥以父蔭任承務郎江州路
昌縣令煥子煥子珪初為高安縣
有異政由是擢為江西檢校拜南臺御史繼為淮
西江西二道廉訪兼事用能世其家云

唐慶

唐慶不知何許人事太祖為管軍萬戶太祖伐金以

慶權元帥左監軍歲丁亥賜虎符授龍虎衛上將軍
使金壬辰太宗復以慶為國信使取金質子督歲幣
以金曹王來見帝於官山七月使慶再往令金主黜
帝號稱臣金主不聽慶輒以語侵之金君臣遂謀害
慶夜半令兵入館舍殺慶及其弟山祿與祿并從行
者十七人既滅金購求慶屍不得厚恤其家賜金五
十斤詔官其子仍計其家人口給糧以養焉

齊榮顯

齊榮顯字仁卿聊城人父旺金同知山東西路兵馬
都總管榮顯幼聰悟總角與羣兒戲畫地為戰陳端

坐指揮各就行列九歲代父任爲千戶佩金符從外
舅嚴實來歸屢立戰功攻濠州宋兵背城爲陳榮顯
薄之所向披靡其屬王孝忠力戰中鈎戟榮顯斷戟
拔孝忠出復逐北入其郭而還主帥察罕壯之賜馬
鎧銀器兵趨五河口抵大堤榮顯偕數騎前行覘敵
值邏騎數十從者將退走榮顯曰彼衆我寡若示以
怯必爲所乘援弓策馬射殺兩人乃還進拔五河口
陞權行軍萬戶守宿州墮馬傷股不能復從軍改提
領本路課稅又改本路諸軍鎮撫兼提控經歷司值
斷事官鈎校諸路積逋官吏往往遭詬辱榮顯從容

辦理悉爲蠲貸從實入朝授東平路總管府叅議兼
領博州防禦使時十投下議各分所屬不隸東平榮
顯力辯於朝遂止及攻淮南道出東平民間供給費
銀二萬錠榮顯詣斷事官愬之得折克賦稅民賴以
不困中統元年謁告侍親閑居十年卒

石天祿

石天祿父珪山東諸路都元帥陷金死節見忠義傳
天祿襲爵字魯承制授龍虎衛上將軍東平路元帥
佩金虎符時宋將彭義斌取大名及中山天祿與字
里海率兵敗之獲義斌又敗金將武仙屢立戰功丙

戊字魯以功奏遷金紫光祿大夫都元帥鎮戍邊隅
數與金人戰未嘗敗北壬辰皇太弟拖雷南渡河天
祿爲前鋒戰退金兵奪戰船數艘夜至歸德城下襲
其營殺三百餘人金將陳防禦出兵追圍天祿天祿
潰圍復戰金兵退走提兵掠亳及徐所過望風附降
癸巳秋九月破考城復圍歸德冬十二月歸德降甲
午入覲改授征行千戶濟衮單二州管民總管乙未
從扎刺溫火兒赤渡淮攻隨州至襄陽夾河寨戰退
宋兵扎刺溫火兒赤賞以戰思又從攻蘄黃功居其
首時詔天祿括戶東平軍民賦稅並依天祿已括

冊嚴實不得科收天祿以病不任職以子興祖襲明
年天祿卒年五十四子十人興祖襲千戶官武略將
軍已未從伐宋攻鄂州至元四年繇宿州率兵抄泚
淮諸郡獲宋覘伺者十餘輩統軍司賞馬二十匹銀
五百兩錦二十端十二年攻常州爲先鋒功在諸將
上宋亡第功陞宣武將軍管軍總管戍溫州土賊林
大年等構亂出兵圍之斬首千餘級招輯南溪山寨
歸農者三萬餘戶十六年陞顯武將軍佩金虎符十
九年七月卒于軍子璉嗣

石抹阿辛

石扶阿辛迪列紇氏歲乙亥率北京等路民一萬二千餘戶來歸太師國王木華黎奏授鎮國上將軍御史大夫從擊蠡州歿焉子查刺仍以御史大夫領黑軍初其父阿辛所將軍皆猛士衣黑爲號故曰黑軍歲巳卯詔黑軍分屯真定固安太原平陽隰吉岢嵐間頃之南征以黑軍爲前列與南兵遇于河查刺大呼馳之陷其陣渡河再戰盡殪之所遇城邑爭先款附長驅擣汴州入自仁和門收圖籍振旅而還論功黑軍爲最及從國王軍征萬奴圍南京城堅如立鐵查刺命偏將先警其東北親奮長槊大呼登西南角摧其飛櫓手斬裨卒數十人大軍乘之遂克南京詰旦木華黎解錦衣賞之累授真定路達魯花赤卒于柳城子庫祿滿襲職從攻襄樊與從弟度刺立雲梯衝其堞度刺歿焉中統三年庫祿滿從征李璫先登飛矢中額而卒

劉斌

思敬

劉斌濟南歷城縣人少孤鞠于大父有勇力從濟南張榮起兵爲管軍千戶歲壬辰攻河南以功授中翼都統攻睢陽軍軍杏堆距陳州七十里聞陳整軍於近郊斌率衆夜破之又擊走太康守兵擒其將三日

太康陷榮言於帥阿朮魯曰太康之平摧其鋒者斌也移屯襄陽軍乏食斌知青陵多積穀前阻大澤水深不可涉陳可取狀衆難之斌叱之曰彼恃險不我虞取可必也乃率百騎夜發獲敵人使道之前行汗澤中五十餘里遇敵兵斌捨馬揮槊突敵敗之得其糧數千斛遷官知中外諸軍事從攻六安先登破其城癸卯擢濟南推官辛亥授本道左副元帥乙卯陞濟南新舊軍萬戶移鎮邳州宋將憚之已未病謂其子曰居官當廉正自守毋瀆貨以喪身敗家語畢而逝年六十有二贈中奉大夫參知政事護軍彭城郡

武莊子思敬

思敬賜名哈八兒都蒙文職爲征行千戶世祖南征從董文炳攻臺山秦先登中流矢傷甚帝親勞賜酒易金符中統二年授武衛軍千戶從討李壇賜銀六十錠四年授濟南武衛軍總管捕盜有功又賜銀千兩至元三年授懷遠大將軍侍衛親軍左翼副都指揮使四年命築京城八年授廣威將軍西川副統軍佩金虎符九年宋嘉定守臣皆萬壽乘虛攻成都哈八兒都邀擊敗之戰于青城宋兵大敗奪所俘二千人還十二年轉同簽行樞密院事復攻嘉定取之瀘

叙忠治諸部及巴縣等勝龜雲石筍等寨十九族及西南夷五十六部悉來降十三年圍重慶賊宋將張高得其舟百餘六月瀘州復叛哈八兒都妻子沒焉乃率兵討擒其將任慶攻破盤山寨俘九千餘戶又獲其將劉雄及王興昌等夜入東門巷戰殺王安撫等遂克瀘州復攻重慶其將趙牛子降禽守臣張珏十六年蜀平拜中奉大夫四川行省參知政事行省罷改四川北道宣慰使十七年授正奉大夫江西行省參知政事治吉贛盜民賴以安二十年卒年五十三贈推忠宣力果毅功臣平章政事柱國封瀕國公

趙柔涼水人
趙柔涼水人有膽略善騎射好施予金末避兵西山

趙柔

都指揮使思義宣武將軍昌國州軍民達魯花赤
趙柔涼水人
趙柔涼水人有膽略善騎射好施予金末避兵西山
礮險以保鄉井時劉伯元蔡友資李純等亦各聚眾數千聞柔信義共推為長柔明號令嚴約束重賞罰為眾所服歲癸酉太祖遣兵破紫荆關柔以其眾降行省公札奏聞以柔為承易二州長官佩金符丙戌群盜並起柔單騎徧入諸寨說降其眾以功遷龍虎衛上將軍真定汝等路兵馬都元帥佩金虎符兼

治總管兵賞太宗命兼管諸處打捕總管丙寅加金

紫光祿大夫卒至順元年追封天水郡公蓋在靜會

系世安祿祿大夫江西行省左丞身官職金

萬戶開導諸處共舉為身奉節制令嚴以東重賞

備命人罪備中保備節元藝文賞等

備承奉人自節節書無據致執千金未盡其西

備承奉人自節節書無據致執千金未盡其西

備承奉人自節節書無據致執千金未盡其西

備承奉人自節節書無據致執千金未盡其西

列傳卷第三十九

